

AJE ARO GILJE

(DAKMESOKANI)

Acc. No. 4200
Class No. 805.82 Book No. MAK
Author Manah L. R. Julius
Title Age and Gilje


DISTRICT LIBRARY
EAST GARO HILLS DISTRICT
WILLIAM NAGAR

Accession No. _____

1. Books may be retained for a period not exceeding *fifteen days* by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it will constitute an injury to a book.
4. *Any such injury to a book is a serious offence; Unless the borrower points out the injury at the time of borrowing the book he shall be required to replace the book or pay its price.*

Help to keep the book fresh and clean

A J E A R O G I L J E
(DAKMESOKANI)



DAK — SA, GNI ARO GITTAM,

Julius L. R. Marak, Ph. D.

Published by : Dr. Julius L. R. Marak
Village Rongjeng-Chigisin
P. O. Rongjeng,
East Garo Hills.


1000 Copies

Dam — KOLGRIKBONGA

Bilsa 1984, shanggipa chapa ka:atgipa
chu-sokkujani gimin chu'gimikko setaie
chapa ka:ataigipa, 1992.

COPY RIGHT RESERVED BY THE PUBLISHER

Printed at Singhania Printing Press
Thana Road, Shillong



ON·KANGANI

Ia kitapko angni ka sɨbegipa
abitang PREBISH RANGSA MARAK - na
on·kanga jean ia a·gilsakko Sonibar
March 7. 1992 bilsio watangaha. Ua ia
kitapni bimangko nikna kusi ong beoba
man·angjaha.

- Author,

GNIGIPA CHAPA KA'ATTAIGIPANA AGANDAPANI

Aje aro Giljeni gimin Dr. Julius Marak, bilsi 1984 see chapa ka'ataigipa chu'sokgipa seani ong'jani gimin, chu'gimik setaigipa ki'tap ong'a. Uni ia setaiania, Aje aro Giljeni gimin chu'gimik ma'sina sikiparangna mikgrontangchi nikachacha talate on'ani ong'a.

Dr. Julius Marak, ia ki'tapko chu'gimik setaina gita skang an'tangan A'chik a'songni pilak biap bichamrangko re'roro dororoe sandie nichengesa gisik a'ning bite chanchie tikelle seaha. Uni skangipa seanina chu'gimik setaianiaru. A'chik a'songo mingsinggipa biaprangni giminba photorangko on'e talatdapaniko on'aha. Ia ki'tapko poraisoenggipa pillak A'chik ripengrangan, ua biaprangko an'tangtang re'e doe nikjaoba, mikjumango nika gita ma'siatna man'na.

Aje aro Gilje ki'tapko poraimangmangaiasan ong'aigija, uie ra'aninaba jakkalani ong'chongmota. A'chik a'songo iandakgipa ong'chongmotgipa biaprang goloporang gita aganritingbaenggipa biap bichamrang jatni gisepo bang'a. Uandakgipa biaprangni gimin see donanganiaru. ja'mano cfadambe-rangna ma'siate donanganiba ong'a. A'Chik a'songni, uandakgipa chengo mengoni mingsing minggamgipa biap bichamrangko jean gimaangengaha, Dr. Marak chasongna ripingangna man'a gita photorangko ka'e, gisik a'ning bite chanchie see knalo A'chik jatna see donangenga.

Aje, Gilje abisa, Radingga arc Sadingga adasa, A'chik a'songko wenoro re'roromiting sal somoirango, A'chik a'songni pilak bakrangkon agant talate aro ma'siate ona'ngaha, jeni gimin a'chingba ma'sirikna cholko man'aha. A'chik a'song, chengo mengonin A'chik ma'gitcham pagitchamrangni aganritingbaani gitan Mitde-manderangni songdong a'charam a'song chiga ong'a jekon an'ching ia chasongo chong'mot ong'genchimoba golpo ine chanchia.

Dr. Julius Marak, A'chik sea jotanirangna gisik nangbegipa ong'e iandakgipa seanirangko pil'e nakatataienga, ian an'ching A'chik sakantina jatni ku'siktangko ripingna aro silroro churoroanina ki'tap sena gisik nangatani aro didiatani ong'china.

Dated Shillong.
The 4th December, 1992.

Miss (Dr) Kumie R. Marak,
Art and Culture Directorate,
Shillong.

AGANSOCHENGANI

"Aje aro Gilje" Dr. Julius L. R. Marak-ni chappa ka-at-chenggipa ong'ja. Iana skangba ua gipin sea-jotanirangko dakaha aro kingsako chappaba ka'ataha. Aje aro Gilje abisani golpo an'ching A-chikrangna agital ong'ja

Indiba da'alona kingking uko kitapni bimango aroba agangrikani bimango nakatata dongkuja. Dr. Julius Marak da'o ia golpokko agangrikani bimango nakatatenga.

Aje aro Giljeni kattara golpomangmangsanna ba battang-gimin somcio ong'anggin chong-mot obostama bilsue aganna neng'a. Aroba, Aje Gilje abisara mandemanchama ba an'chingni aganbarongenggipa knarongbaenggipa mite tongsa mande tongsa dakgipasama tik u'ibreja. Aganritingbaanigitade ian obosta chong-mot aro Aje Giljea Mite-mande bringipaan. Haida iani bidingo sandidape am'rikkite nianiko nangengkuakon Dr. Marak antangan songrangchi re'e me apa buchumarangming golpomang melie sakkina gita donggipa biaprangko aro bosturangko mikkrontangchi nike nie uie ra'na tikkela.

Simasake poraiode, poraigipa Radingga Sadingga adasani Aje Gilje abisani ja'manrikrik re'e bisongni a'song talatangako knarikpaman'a, chiga nikangpara. Umangni kattachin poraigipaba A'chik a'songko gisiko wenpama'na aro maia biap maidake ong baha, biming de baha pilakkon talparikna man'a. A'chikrangni gitcheam janggi tangani bidingrang. cha'a ringani, bewalrang aro ku'aganani rokomrangko see rakkiani gitaba ia kitap ong'paa.

Dr. Julius L. R. Marak A'chikni sea jotanirangna gisik nange uko kamo nakatatenga. Ian an'ching pilaknan jattangni bidingo uidapaniko on'aiajan ong'gija sakantinan kutangna gisik nanganio aro uko ripingna tikelanio didiatani ong'china.

Dated Shillong,
The 25.5.1984.

Bracellish K. Sangma,
Educational Technology Cell,
State Council of Educational Research and
Training. Department of Education
Shillong

GNIGIPA CHAPA KA· GIPANA AGAN MESOKE ON·ANI.

A·chik ma·gitcham Pagitchamrangni chengo atchu ambini katta ku·rittingrangoniko knarittingbaanirangko aro ua katta·rangni chong·mot ong·a ong·ja sandie nina nangaon ga·akaha. Angni skanggipa Aje aro Gilje (Dakmesokani) 1984 skanggipa chappa ka·atani chu·gimik ong·jani gimin man·a dipet sandiri·kote nitaie aro ua agangipa biap bichamrangko re·roroe doro roe nie setaiani ong·a


Iano, jekon anga skanggipa seanio a·song chiga wenroroe nie sandie sena manjaha. Ua biaprangko·da·o anga an·tang mikkrontangchi nie nike, an·tangni chanchia gita see chapa k·attaienga. Unbaksana, angni skanggipa chappa ka·atgipana adita namdapatani rangko on·atgipa Rongjeng Chijong songni Sengran Sangmako dingtangmancha mitelna ska.

Angni ia gnigipa chappa k·atgipana dakchakanirangko on·gipa pilak ripengrangkon mitela, jemangni bimingrangkon sena gita iano chol ong·jaha.

Mikkangchiba apsan ripengrangni jaksrambee dakchakaniko aro namdapatani cholrangko man·angkuna ka·dongsoani donga, jerangkon changgipino on·dapskina man·gen.

Julius L. R. Marak.





(PHOTO - 17-4-1990)

AJE ARO GILJE ABISANI CHIKORAMA (MEMILAM)

Aje aro Gilje abisa an tangtangni chikongtangtangona pangnan au aro miksuna re-barongachim. Uamangni chikoramako photoni jakasichipak nikna man'a. Photoni nkgipa jakrachini nogipa Giljeni aro Jakasichini abitang Ajeni ong'a. Ua chikong Memilam a-brio donga. Aje aro Gilje abisani re-ani chikoramako salni salna mande re-ani gita chasongni chasongna rong-patalni kosako talkame dongaha.

Abitang Ajeni chikongo (Jakasichipak) mi chaanirangkoba nikna man'a je mian chakariochae, minkario mine ga-ake bil-sirikitna aro chasongni chasongna chajringaha. Ua miara mi mandean ong'a. Ua mi mandeni chaani maidake ongachim uko darangba agana man-ja. Ia biapko darangba chasongni chasongna a-ba cha-ja.

Ua mi chagipani gimin agangenchim ong-ode, haida ua miara sepang jolni a-brirango a-ba cha-giparangoniko ta-rakbe-gipa balwarang bale man-pakbae ia chikongo skatrike charik-gipa ong-na nanga.

KATTA BICHONG (TTHAS)

AJE ARO GILJE

Aje aro } Gilje abisa, a-song Sillang a-brio, Chiga Wa-te
a-ding), Sillang bibal balramo, Rongma Me-kin ong-ramo
(Napak Me-ming a-song) atchiaha ine aganani gnang. Indiba,
mittam A-chik me-aparangni agananio, uamangni atchiram a-
songko, A-song Do-nare Wakhelchik, Meminram Mesaram,
Minggaru A-chik Simsang Bisik, Do-ma gittok, Re-ru gittango
songdong a-chara aro ua biapon atchia ine agananiba gnang.

Aje aro Giljeni ma-gipako Grimchi Bachare aro Pagipako
Benaru Silgitdu ba Silgitchu minga. Aje aro Gilje ba-rima
sakgittam donga jemangoni saksade Demeranche onga. Ma-
gipa Grimchi Bachareo ba-rimarang sakgittam dongachim.
Uaminga Gruracha-Changsin, Nokma, Radingga aro Sadingga
ongachim. Radingga aro Sadingga adasani ma-gipako Silikki-
Notoki ba Dodokki aro Pagipako Derimil Changrimil minga-
chim. Radingga aro Sadingga adasani chonengmittingon, uam-
angni ma-gipa aro pagipa siangaha. Ma-gipa, Pagipani siang-
man-ni ja-mano, Radingga aro Sadingga adasako abitang gume-
tang, Grimchi Bachare aro Benaru Silgitdu aldurikaha.

Radingga aro Sadingga adasa, gumetang abitangmangni
nokongmittingon, antangtangna Nokpante jamsirenge roa-
chim. Uamang adasa, ia a-song chigao songdong a-chamit-
tingon antangtangni Salaramchi nokgilsrek onre, Saliramchi
nokrangre done riko roaha. Ua Nokpanteo romittingon uam-
ang adasa antangtangni Nokpante-Jamsirengo Gongbinako
doko, Imhanggiko sike rona, "Misini Agilpani Sotgalako solaha,
Saljongni-Galapani singalako repaha". Misi-Saljong, Radingga
aro Sadingga adasana, Sonani Gongbinako patiaha.

Salsao, Radingga aro Sadingga adasa, chiring ang-ke jik-
pana ine antangtangni Gongbina Sonako kodam mitapo dape
donuange re-angaha. Uamang adasani chiring ang-ke jikna
re-angmittingon, nogipa namchiktang sakgni, Aje aro Gilje,
mamatangrangni Gongbina Sonako, Nokpante-jamsirengchi
gadoange mamatangrangni kodam mitaPrangoniko bilrurue am-e
nike, Gongbina Sonako ra-soaha.

Attam salniahaon, Radingga aro Sadingga adasa, chiring
ang-ke jikaoni sokbaha. Sokbaon, uamang antangtangni biap
aro kodamrang bildingbildang dakako nike, donnuanggipa

Gongbina Sonako sandiaha. Je gita sandie nioba. donanggipa Gongbina Sonako man-jaha. Am-e nio man-jaani gimin. jeda-keba namchiktang sakgni, Aje aro Gilje ong-na nanga ine uamang abisao singaha. Sing-on, uamang abisa jechakaha. Uamangni je gita jechakoba. abitang Demeranche, uamangni Nokpante-Jamsirengchi gadoangako nikrikani gimin sakiko ona-ha. Aje aro Gilje abisa, je gita mol-mole bi-oba, ra-gimin Gongbina Sonako on-piljaha. Radingga aro Sadingga, uamangni Gongbina Sonako je gita bi-pile nioba on-jaani gimin gisik duk ong-ani aro kratcha-anirang gapaha.

Uandake, Radingga aro Sadingga an-tangtangni gisepo gisik duk ong-an gipe aro jongska-adatangrangna mikgil kratcha-e. ma-an a-songko wate aro songko noko gale gipin a-song chigani jawan ma-an a-songna re-chakatna miksongaha. Abitang aro gumatang je gita ong-oba nogipa namchiktangrangko doke sateba, mikgil kratcha-na nangoba ma-an a-song chigako wate re-angjachina mol-molaha. Indiba, uamang adasani gisiko, songsul mitakiko muna, mikgil kratchaako man-a sikjac, ma-an a-song chigiko wate. Paani bibol biteko done, gipin ma-an a-song chigachi brangangaha.

Radingga aro Sadingga adasani brangangako nikrike, namchiktang sakgni. Aje aro Gilje abisa mamatangrangko jam-an ja-man ja-kurik ja-ma sane re-angpana chanchiaha. Uamang abisaba, je gita mara Paa beng oba, manigija srik nokoni ong-kite kitangiaha. Aje aro Gilje abisa, mamatangrangko an-tangtangni donugipa Gongbina Sonako doke, Imbanggiko sike ja-man ja-man ja-kurik ja-ku sanangaha.

2. A-SONG CHIGA

Aje aro Gilje abisani songdong a'chaani, chiga chiringani gimin darangba namedake kakket aro kraa sakiko on-e agan mesok on-a man-ja. Gildin Sangma, Kasimari songni, Aje aro Giljemangni atchiram a-songko 'Bekgittok Garengmal' (Damrang Borjuli samba) a-brio atchia ine agana. Sengran Sangma, Rongjeng songni, uamangni atchiram a-songko, 'Te-awek Singkanda Menggonchi Jamgonda. Do-nare Wakchelchi Meminram Mesaram Manggaru A-chik Simsang Bisik Do-ma Gittok Re-rugittang' ine aganskara. Ia biap Napak Me-mang a-song jolo donga ine sakiko on-taiskara. Bitchon K. Momin, Konchikol songni, Aje aro Gilje-mangni atchiram a-songko,

Budalong-Benagong Te-brong Changsim'ine agan mesoke on-atskara. Kiljang Areng, Kalwe songni, Aje aro Gilje abisani atchiram a-songko, A-song Silang a-brio, Chiga Wa-te a-dingo, Sillang bibal balramo Rong ma Me-kin ong-ramo (Napak Me-mang a-song) ine sakiko on'e aganskara. Ia biapni gimin, jekon angni skanggipa Aje aro Giljeni gimin chapa (1984-0 skanggipa segipa) kraahachim. una Meklijin R. Marak, Badaka songni, "Aje aro Giljemangko ua biapo mikkang nikja indiba ua biapara Aje aro Gilje-mangni gnigipa katbac dongegipasa ong-a" ine 21.8-89 tariko chitti see jee u iataha. Uandake, Meklijin R. Marak, ong ja inejee u-iatgengchim ong oba, Aje aro Gilje abisa, uamangni ma-gipa aro Pagipa-rang bano donga aro atchiachim. ua biap bichamrangni giminde agan mesoke on-atskanade man-jaha.

Mehir Sangma, uni ki-tap "Pagitchamni Ku-bisring (1982)" segipa ki-tapo Aje aro Giljeni mrambi Balpakram a-doko Gabil Songgitcham Do-de Mesaram" biapo songdonga. Ia biaponisa. Aje aro Gilje an-tangtangni gisik ruraatangko cholon peng-pangatangko champengna man-jac kitbrangaha ine uni jana-panikoba nikna man'a. Indiba, A-chik me-aparangni agan ku-ritingrangoniko kratimrike niode. Aje aro Gilje abisa, Radingga aro Sadingga adasa, Balpakram a-dokoni re-chakatja. Gabil Songgitcham Do de Mesaram biap, 'A-song Nongrengreng-Chiga Nongchibing'-oba gnang (Mangsang a-dok). Iana agreba, apsan dake biming minggiparang gipin a-dokrangoba gnang. Aje aro Gilje abisani re-a doa-rangni gimin namedake sandie niode, uamang A-chik a-songni Saliram jolchi bang'e wenangja sokangja.

Uni gimin, Aje aro Gilje abisa, Radingga aro Sadingga adasa, a-song songlonghenggipa chiga chiringchenggipa biaprangni gimin kraa aro chuonga sakirangko man-jaode chanchichipe agananirangsan ong-aia.

3. RONGCHANG

Aje aro Gilje, Radingga aro Sadingga - mangni kam aro a-selrangni gimin chanchiate niode. skang ro-ongni chasongni manderangsa ong-na nanga. Uamangni chasongrango rakgipa ro-ongrangko atte gitchi tarie jakkalmitting chasong ong-a jemangni chasongkon, "Ro-ongni Chasong" (Neolithic age) ine agana. Ua ro-ongni chasongrangni gimin aganode haida bilsa 12,000 B. C oni 500 B. C. ong-na kraa. Indiani mittam skia

man giparang, ua ro-ongni chasongrangko bilsi 20,000 B. C. oni 15,000 B. C. ine aganskara. Indiba, bang-bata ro-ongni chasongo jakkalgipa bosturang jekon A-chikrang Goera Gitchi ba Rua minga, uamangni re-ro-ro katrora dakmitting chasong (Lower Palaeolithic culture) ba somoirango jakkalgipa bosturang onga. Ua ro-ongni chasongni bilsirangkon Gauhati University-ni Prof. Sharma, bilsi 50,000 B. C. oni 20,000 B. C. onga ine sakiko onskara. Uandake bang-a skia man-giparang an ua ro-ongni chasongko tik ong'e agana chu-onga saki-rang donggejania agana man'ja.



GOERA RUA (Neolithic Tools)

RUA-C.50,000 to 20,000

Ua ro-ongrangko A-chik a-songni bang'a biaprangon man'a-jekat, Rongjeng, Selbalgre, Rengsanggre, Tura ba iandakgiparang. Ua ro-ongni bosturangko chengo atchu ambini silko jakkalna changkujamitting somoirango jakkalaha, jekon, 'ro-ongni chasong' ine agana. Goera gitchi ba Rua (Neolithic Tools) A-chik a-songoniko bang'en man'a ama. Indiba, uarangni gimin namedake sandie darangba see rakia dongkuja. A-chik sam jakkalgiparang (Ojarang) ua Goera gitchi ba Ruarangko samna ineba jakkala.

A-chik me-aparang. skia poraia man-gijanio aro sea jotani-rang donggijanio, uandakgipa ro-ongni chasongrangni gimin aganode, "Mitde-Mandeni chasong" ba "Mitde paksa mande paksa, gana an-sre gri ong-mitting chasong" inesan aganrongaia. Aje aro Giljemangni chasong, skang ro-ongni chasong ong-na nanga maina uamangni pilak kam, daka rikanirang aro jakkal-gipa bosturang pilakan da-o ia chasongni ong-ja, skang ro-ongni chasongnisa ine u'iriskana man.a.

Aje aro Giljemangni chasongni chong-mot bilsirangko tik dake u-i ma'sinade, da-o ia chasongo gisik a ning bite chanchina aro uarangko nie ma'stani cholrangko jakkilanichisa, uamangni dongangani chin ro-ongni kosako jakkol (Fossil) ba gipin ro-ongni chinrangko nie ma'sina man'gen.

4. MA-CHONG ARO CHATCHI

Aje aro Gilje abisa. Radingga aro Sadingga adasani ma-chong aro chatchi-ni gimin manderangni chanchichipe aganani-rangba dingtang dingtang gnang.

Roston Marak, Mariampur songni, Aje aro Gilje abisako Imphil ma-chong Sangma chatchi ine agana. Bitchon Momin, Konchikol songni, an-tangna Jorong Sangma sagini aganani kattarangko aganskae, Aje aro Gilje abisa, Radingga aro Sadingga adasa GABIL ma-chong. Momin chatchi ine agantaiskara Pile Meklijin Marak. Badaka songni, Aje aro Gilje abisako. Nongsimseng ba Nosingieng (Nong'bak) ma-chong. Sangma, chatchi ine 25.8.89 tariko, Kalwe songni Kiljang N-Sangmani Kattako parake aganaha.

Indiba, D. S. Rongmuthu uni segipa "Apasong Agana (1970)"-ki-tapo Aje aro Giljemangni, segipa Radingga aro Sadingga. Gabil ma-chongni-Ambi-atchu. Momin chatchi ine sakiko on-aha. Mihir Sangma, "Pagitchamni ku bisring (1982)"-ki-tapo, Aje aro Gilje abisa, Radingga aro Sadingga adasa, Gabil ma-chongni ine sakiko on dapaha.

Uni gimin, bang batan Aje aro Gilje abisa, Radingga aro Sadingga adasa, uamangni ma-chong aro chatchini giminde, GABIL ma-chong aro Momin chatchi ine sakiko on ani gimin, ma-chong GABIL aro chatchi Momin ong ani giminde mamingba jajaani dongja gita nika. Gabil ma-chong ong-roba, uamangni gisepo maiba kamni ba biap bichamrangni kri rokomari dake

de-retai-giparang bang-a Aje aro Gilje abisa, de-retai-gipa Gabli
ong engenchim ba Gabli chong-mot ong engenchimma, uarangni
giminsa namedake sandiangkuna mikangkhi man-ode namgen

5 NOKONI KATA

Radingga aro Sadingga adasa, abitung aro gumetangni
nokoni ong kate kattangjanaba dongachim. Indiba, jensalo
uamangni nam hiktangiang Aje aro Gilje abisa. Radingga aro
Sadingga adasani chiring ang ke jikna re angmutting somoto
uamangni turamoni kodam mitaponiko Gongbina Sonako cha ue
ra soaha aro uko ja mano bi pilao on piljaha.

Radingga aro Sadingga adasa, uamangni Gongbina Sonako
bi pilao onjahaon songni nokni manderangni agana-mitaka
aro mitnangiko man a kene ma gipa aro pagipani a song chig-
ak) wate gipin mi an a song chigachina brangangna chanchiaha.
Radingga aro Sadingga adasa songo noko chakchike dongangu
genchim ong oba jongska adatangna, mama-adana, ma a nona
mikgil sie kratcha e dongna nangalnok ine ma'siaha. Uni
gimin uamang adasa songo noko donge manderangni agan-
mitakako man an palde aro jongska adatangrangna mikgil krat-
cha ako man e dongna sikjaha Radingga aro Sadingga adasa,
mamingkoba ra anggiya antatangni Mil am jakkalgipako
krokoniko saloke (Mil am ong oba ro'ongni tarigipa Mil'am
ong na nanga muina uamangni chasongo silko man-kuja) nokoni
srik ong kate re ongkatangtokaha

Aje aro Gilje abisaba uamangni mamatangrangko nokoni
ongkitangiaha ine masion mamatang adatangrangna ka-pake
aro uamangna kasae ja man ja man ja kurik ja'ku sanangna
chanchiaha Aje aro Gilje abisa jensalo uandake ja-kurik ja ku
sanangon mamatang adatangko, changsa kema ka'e nokona
an pilbataiku china ine antatangni donugipa Gongbina
Sonako ra ongkate doke, Imbanggiko sike rikangaha Jedakode,
Radinggi aro Sadingga antatangni Gongbina Sonani ku-
rangko kanasoode uko ra pilna an pilbataigen

Indiba Radingga aro Sadingga, antatangni Gongbina
Sonani ku rangko knasooba, an pilbataigija bate batesa nogipa
namchiktangrangni rikbaengako masie sragna kene katroroan-
giha Aje aro Gilje abisaba, dondikgiya aro ma an a songchina
an pilbataigija banobade srappen ine chanchie Gongbinako doke,
Imbanggiko sike rikroroangaha. Uandake, Radingga aro Sadin-

gga mangni katroroanana rikroroangon. Aje aro Gilje abisaba jawan a-song chigako wenroroangna nangaha aro sokangaha.

Aje aro Gilje abisa. Radingga aro Sadingga adasako an-tangtangni ra bitgipa Gongbina Sonako doke. Imbanggiko sike a songanti chigaanti wenroroange A'chik a-songni Salaram jolo ja nengtakanggipa biap bichamrangko an ching mikgrontangchi nikna man jaoba chanchiate nina.



PHOTO : 17 - 4 - 90

AJE ARO GILJE ABISANI NIWATRAM (MEMILAM)

Aje aro Gilje abisa an tangtangni mamatang Radingga aro Sandingga adasiko ikeoromiting somolo, ta rong'patalni kosako asonge ja mi moe Gongbinako doke, Imbanggiko sike niwat-rongichim

Radingga aro Sandingga adasa. Ildek chinalsa'o jean da'o Khasia a ja ong aha uno dongkarachim Radingga aro Sadingga adasa ta biaponin A'chik a'songchipak an pile Koasichi mik-kange an-pilbaaha.




PHOTO: 27-4-90

AJE ARO GILJENI GONGBINA DOKRAM (KONCHIKKOL)

Aje aro Gilje abisa, ia rorongni kosako, asonge pangnan gongbinako dokrongaha. Aje aro Gilje abisa mamatang Radingga aro Sadinggako ia biapo srapejaha.

Rorongni kosako umang abisani asonge salni salni niwate gongbina dokini, rorong ki sangteni chinrang dongengkua. Umang asongha'ni ki sang pekniin chin dake tukonggipao bolbiyak done photo ra aha

It chinrangki nandake nige'chim ong'ode, haida skang rorongni chasongo saobade asongna nangakon. Asongia ong'ode, rorongni kosako ki sang pekniini chin (Fossil) dongrikjawa Abisan, abitang kosako aro nogipa kamao asong iema noe gongbina dokronga aro rorongachim ine agana. Kasine ja'a asongani chinrang aro ja'ani chinrang bilsa re angani kri gimaangengaha.




PHOTO : 27-4-90

6. A·SONG CHIGA

Radingga aro Sadingga nogipa namchiktangrangni rikbaako nio niksoojana rong gate nisoaha Rong gate nisoona uamang abisani rikbaengako niksoona, srapode songa noka seka bala ingen ine chel'e chel'e katsoaha Uandake Radingga aro Sadingga, chel'e katani gimin Aje aro Gilje ibisani kurangko knaana agrede uamangni bimingko nikna manjichim

Radingga aro Sadingga adasini, nogipa namchiktangrangni rikbaako nisona rong gatsoipa biapiangko mongsongbite ia biaprango nikna man a - Memilam i brio Sangiu a brio Rang kilding Gadeng a brio, Koasi a brio Tilsi a brio Sepon a brio aro Rongtottoree Chameragu a brio-ang



PHOTO : 17-4-90

RONG GATRAM (MEMILAM)

Aje uo Gilje abisani Memilam a brio song longmittingo Rilinggi uo Silinggi alisa Hdek chiko gi batbae re-bae Kwisichi nkkng re bapile ta di-dal-begipa ro-ongrangko tong rite ngipa nin hiktangni rikhiako niwatsaaha.

La roong nimen chua aro dal-a Namedake me'e, lan ong tel gp roongrang gitasan nikala

Rilinggi uo Sidinggi, mian a-song chigako wate re-bae gipin mian a-song chigako gi-bithana nangaha Re angaon, Silinggi aliting Rilinggio uumangni ga batbaenggipa a-songanti agiantirangni gimin ui masina ske tale sing-angaha. Radingga Ingipi Silinggani dipet bongbet singani gimin, a-songanti agiantikon tale agine mesoke on-angtokaha

Apsan like ja man ja kurik ja ku sanbaenggipa Aje aro Gilje abisani uumang adasani re-anggiipa a-song chigarangkon dingling chrachrap dake rikangengachim Rikangon. Aieni ngipi Gilje uumangni gi batbaenggipa gipin a-song chigarangni gimin ui masina ske abitang Giljeo tale tale sing-baha Aje ngipani uumangni ga batbaenggipa a-songanti chigaantini gimin talate aro agan mesoke on-angaha

Radingga aro Sadingga, buring diltubegipa, kengnigipa a-song chigarangko aro re-na re-togijagipa biap b'chamrangko re-angaha. Apsano, Aje aro Gilje abisaba, uandakgipa kengnigipa a-song chigarangko biap bichamrangko ja'kurik ja'ku sanangaha. Uuring gimikan buringni kengnigipa bobilrangna, Matcha aro Mongnarangna mamingba kenna sin'anirangkoba m'siangjaha uuring an'tangtangni re-a ra na durliango kengnigipa bobilrangko chugronghaoba, cheroroange an'tangtangni re-na dona miksonga-tangtangona sokangna man'aha.

Radingga, Sadingga adasa aro Aje Gilje abisa, jensalo uandakgipa kengnigipa buring bolgrimrangko re-angon, a-song chiga wenangon, Matchako grongo matcha, Mongmako grongo Mongma, Mitde mandeko grongo mitde mande pil'na aro an'tangtangko dakjena man'an giminsa uan'akgipa kengnigipa gipin ma'an a-song chigarangko jajrenga donggija re-angna aro songreangna man'aha.




PHOTO :17-4-90

REDING GATCHAKRAM (MEMILAM)

Aje aro Gilje abisa ia biapon songdong a'chaha aro O'gipa-mamatangko salni salna gongbina doke nichaksoaha. Ia biapo romiting somolo uamang ba-ra reding gate rochakaha. Uam-

ang abisani reding kaani rong-patalni kosako ro-dingding dake chin dongengkua.

Aje aro Gilje abisa ia biapo Gongbinako doke, Imbanggiko sike roaha.

7. NOKDANG DAKA

Radingga aro Sadingga, maran asongoni agan mitakako man'a kene katroroangani gimin aro uanangko rikangenggipa nam-chiktang sakgni srapna kene bate bate chel-roroe katangaha. Radingga, Sadingga adasa Aje aro Gilje abisa, je biapon janengtakachim, uandakgipa biaprang, komibeoba bilsi sni kari snina songlong archaachim. Uandake, uamang biap sapanggrik, bilsi sni kari snina songlong archaagenchim ongoba, Gongbina dokani ku rangko knaana agrede nikgrikna aro gronggrikna manjachim. Biap damsaro, baditana uamang ru ute songlong archaenggenchim uarangni giminsa namedake marsini manja. indiba Achik bimi katta aganania bilsi sni kari sni inesan uamangni songdongani gimin aganaia.

Aje aro Gilje abisa, mamatang Radingga aro Sadingga adasako, je gita uchi ichi rike nioba srapteljaha aro manjaha ine aginani gang. Pil'e agantaia, bon chotao. Aje aro Gilje abisa, rikroroa amchakjae Chengkanta-Manggonchi-Jamgonda (Rong-tottoree-Chameragu) biaposa srapeaha. Ia biapara. Misi-ni songgitchem ongachim. Misiko Achikrang chugimik bining mingode, Misi-Biare-Katchi-Susime ba Misi ba Misi-Saljong ine minga. Aje aro Gilje abisa, ua biapo srapeon, antanglangn, mamatangrangni Gongbina Sonako donue rarikgipako doke, Imbanggiko sike mikmalatna jolton kaitaiaha indiba uamang adasa miknijaha. Radingga aro Sadingga, nam-chiktang sakgni Aje aro Giljemangna kasachakani gisik nabaaha indiba uamangni miksonga gita nokdang baku dakna miksongjaha.

Aje aro Gilje abisa, mamatang Radingga aro Sadinggako, mikmalatna miksongchongmote. Gongbina Sonako doke, Imbanggiko sike balselaha. Indiba, uamangni gisikrangko dingtangatna manajaha. Uni giminsa pil'e, Aje aro Gilje, Baminni-Sojonni dakgipa rugipa Gongbinako ra-doe dokchamena rochamena abachengaha. Ua Baminni-Sojonni dakgipa rugipa Gongbina-ko dokosa. Radingga aro Sadingga adasani gisik dingtangbana abachengbaha aro kadingsmiit kachimit dake kading wachekna abachengaha. Unon Aje inaha, "Kusiktangko simalwa donakon mamade, Jaksitangko Gongpinang

salakon adade". Ua biapo srape Gongbina Bamonni-Sojonni dakako doke romikmala rochameani ja-manoba. uamang Rong-ma an'talaona, an'cheng apala'ona re'angtaiaha.

Radingga aro Sadingga adasa, Aje aro Gilje abisani, Chengkanta-Mingg'ochi-Jamgonda (Rong'tottoree-Chameragu a-bri ong na nangakon) Misini songgitchamo srapeaha. Uno srapeon jonggipa Sadingga ra'na rongna miksonge adatang Radinggana aganaha, dada bachi katkuna mama bachi re'kuna, nono namchik takrakrang rikroroe sokbajok, ja-kurike man'ejok.

Doko janggil saainok nonoa, den'o janggi nasie chon'ainok namchika. Do'ra do-sisrangenba nokdang ba'ku daknokma? ine Misi-o sing aha Una Misi-Saljong, Radingga, 'Jatna kragi-jako ma'chongna nitogijako, dakmalgija kamrangko daknabe' ine bong'aha. Radingga aro Sadingga, Misini on'gijako. Saljongni watgijako drae ra'na dongna amaha. Uamangni iandake draana amako masie, Misi-Saljong, Radingga aro Sadingga baksa songgigrikaniko dakaha. Misi iandake songgigrikaniko dakaha, ' Radingga aro Sadingga, na-simang do-gisikna skang, wala seng na skang Nokpantena-Jamsirengna nanggen. Nokpantea-Jamsirenga man'ode, Aje aro Gilje abisako kimna rongna man'gen, indiba man'jaode man'jawa" Radingga aro Sadingga, Misi-ni songgigrikaniko kusi ongen ra chakaha aro Nokpantena-Jamsirengna a-bachengaha. Nokpante-ange Jamsirengange nion, Radingga aro Sadingga, man'asiengahachim. Misi. Radingga aro Sadingga adasani Nokpantea Jamsirenga man'asiako ma'siaha. Uni gimin iade namchongmotjawa ine, Misi antangan Do-bipa pile do-gisikchangataha. Dao'onaba A-chik-rang pring do-gisikani somoina skang do-gisikgipakon "Saljong do-gisika" ine aganengkua. Uandake, Radingga aro Sadingga, Misi-Saljong do gisikatchengahani gimin, Nokpanteako Jamsirengako mana gitiko dontongna nangaiaha aro songgigrikginin gita, Aje aro Gilje abisa ra'na rongna man'jaha.

Indiba, mittam A-chik me-aparangni agananio, Radingga aro Sadingga Aje aro Gilje abisako bon'chotao kima ronga ineba aganani gnan. D. S. Rongmuthu, uni segipa ki-tap "Apasong Agana (1970)", Aje aro Gilje abisani segipa, Radingga aro Sadingga ong'a ine seanikoba nikna man'a

Uni gimin uamangni bon'kamgipa sal aro somoirango, ra'a. dongani gimin A-chik bima katta agananirang chong-mot ong'a ba onganaba donga maina dingtang dingtang agananirang donga. Indiba, uamang abisa aro adasani (Mamasa) bon'kamgipa sal somoirango kima dongani gimin darangba sakiko on'a

man-ja. Uamangni bon-kamgipa janggi tangani aro nokdang ba-ku dakani gimin chu gimik sakkirangko sandie niangkuna man-ode namgen.

8. BANO SIA

Aje aro Gilje abisan bon-chotgipa janggi tangani salrangni gimin A-chik bima katta man-giparangni agananirang dingtang-dingtang gnan. Indiba, uamangni sia bon-ani gimin maming chu-onga aro pangchakna kragipa sakirang jatni gisepo mamin-gba sea jotanirang da-o ia chasongo man-jaha.

Roston Marak. Mariampur songni, Aje aro Gilje abisa, Radingga aro Sadingga adasa. "A-song mingnamgija. Chiga de nang-gijako Wal-angja Chidorengo sieaha ine agana. Uamang jensalo, A-song chigako wenroroe re-angmitting somoio, a-song mingnamgijako mingna on-jaoba. Chiga de nanggijako de-na on-jaoba, singang aganangtokani gimin bon-chotao, a-song Wal-angja Chiga Chidorengo sieaha ine sakiko on-e aganaha.

Bitchon Momin. Konchikol songni, Aje aro Gilje abisa-mangni sia bon-ani gimin agane inaha. Angni u-ia ma-sia gitade, Aje aro Gilje, mamatang Radingga aro Sadinggako, uchi rike nioba man-ja, uchi doc nioba srapja dakani gimin, Aratcha-Rong-bareni Dari-Dareram, Kaksi Beri jokram a-brio, Aratcha-Rong-bareo darie chokone siaha. Ua Aratcha-Rong-bareko A-chik me-aparang da-alona kingkingba re-malja romalja ine aganengkua.

Pil-e mittam me-aparangni aganania, Aje aro Gilje abisa, Radingga aro Sadingga adasa, A-chik a-ongo sie bon-eja, indiba gipin ma-an a-song chigachi mikkange wenangengkua ine agananirangba donga.

Uamangni re-a roarangni gimin namedake ja-rike niangkugonchim ong-ode, A-chik a-songoni ong-one Dage Amjonga gita anggo, Budalong-Benagongchipak mikkange re-angengkua. Budalong-Benagongoniba uamang Songdu chiko niwate, a-song Salaram-Chiga Mitdechak (Kamakhya) mikkange re-angengkua. Aje aro Gilje abisa, Radingga aro Sadingga adasako, SEPON HILL (Boko aro Chaygaon gisepgrik (Assam) a-brio srapeaha aro uno uamang ja-nengtakaha. Ua a-brion, Misi baksa songgigrik, Radingga aro Sadingga adasani Nokpante-Jamsirengani chinrangba dongengkua (Niode Ro-ongrara).

Sepon a'brioniba, Aje aro Gilje abisa. Radingga aro Sadingga adasa. Rong'tottoree-Chameraguchipak mikkange re'bae ia a'brion bilsni sni kari snina songdong a'chaaha. Ia abrio, songdongani ja'manoba, Salaram-Mitdechak (Kamakhya) a'briona mikkange re'baha. Radingga aro Sadingga, Misi baksa songgigrika-ko chu'sokatna man'jahani giminsa ra'na rongnade man'jahachim.

Radingga aro Sadingga adasa, (mamasa), Aje aro Gilje abisa Rong'tottoree-Chameragu a'brioni Kamagiri a'song (Kamakhya) chigaona re'bae dongeaha. Ua abrio songdong a'chaani gimin aro uamangni bon'kamgipa janggi tangani gimin daran-gba agana man'gipa dongjaha. Chanchiate niode, uamang adasa aro abisa, Salaram-Mitdechak (Kamakhya) ba Kamagiri a'songon songdong a'chae sia bon'a gita nika maina uamangni Kamakhya a'brioni re'angtaiani gimin daran-gba bima katta agananirango agantaini dongjaha.

9. BON'CHOTE AGANANI

Aje, Gilje abisa, Radingga aro Sadingga adasamangni kam a'sel aro kattarangni gimin namedake sandirikite niode. nok-dango nogipa namchiktangrangni mamatang adatangrangna ka'saaniko masokani ong'a. Skang chasongni sal ba somoirango A'chik jatni gisepo ba bewalo nogipa namchiktangrang mamatang aro adatangrangko namen mande ra'a aro birong channa. Nogipa ba namchiktangrang maming saloba mama adani mikkangko re'pakja aro agan bal'ekja. Mama adani turam tutiprangchi aro nokpante jamsirengchi maming saloba napja.

Radingga aro Sadingga, nogipa namchiktangrangni u'i masigija, antangtangni turam tutipchi, chiring angke jikna re'angmitting somoio napange donuanggipa Gongbina Sonako cha'ue ra'soe kal'aksoani giminsa, songni nokni manderangna aro jongska adatangrangna mikgil kratcha'na kene, nokoni gipin ma'an a'song chigachi re'angaha. Skang chasongni somoio, jatna aro a'songna mikkil kratcha'aniko man'ani namen dal'begipa gro ong'achim. Ua grona uamang adasa namen mikchikime chanchie nioba gelna man'jawaha ine nike songo, nokoni ong'katangaha.

Aje aro Gilje abisa, mamatang Radingga aro Sadingga adasani nokoni ong'kate kattangon, uamangna ka'sachakani aro antangtangni dakguala kamrangko masie gualatangko

kurachake mamatangrangko nokona rimbapil'na miksongesa rikangahachim. Radingga aro Sadingga, jensalo uamang abisani jamana jamana rikbaengako niksoon bate batesa chel'e chel'e katroroangaha aro Aje, Gilje abisaba badiaba biapode sragean ine chanchie rikroroangaha. Radingga aro Sadingga adasa, maibadake songni nokni manderang uamangni rikbaako nikrikode aro uamangkoba nikode, jik ba Se seke bale katta ingen ine bate batesa mikgil kratchana kene taraken katroroangaha.

Aje aro Gilje abisani kamrangko chanchiate, Achik meaparang noti dari dakani kam ine agana. Aje aro Gilje abisani kam aro bewalrang. beben noti dari dakani bewalrang gita chanchiatna man'a. Indiba, namedake chanchitae nicde, uandake ongjanaba dongakonchim. Uamang abisa, mamatang sakgniko noko jamona rimbapil'na miksongesa rikangachim ine agana. Radingga aro Sadingga adasa, uamangni gisiko chanchianirangko uri masisojae bate batesa katroroangaha jedakode uamang abisa srapiawa. Uamang abisa aro adasa indita bilsi aro kirirangna rikroro katroro dakangahani gimin, jensalo srageon uamangni chanchia gisikrang dingtangaha gita nika. Uandakesa, uamang abisa aro adasa (mamasa) bon'chofao rana rongna am'achim Misi-Saljong, uamangko apsan ma'chong aro chatchi ongani gimin rana rongna on'jaha ine bima katta agunanio guang. Achik jatni bewal aro dakbewalo, da'onaba apsan Ma'chong aro Chatchikode rana rongna on'chongmotja jemangkon ong'ijako dra'e ragiparangkon, Ma'chong apsanke ragipako ma'dong aro Chatchi apsanke ragipako Bakdong ine minga. Aje aro Gilje abisani kamaro bewalrang gimikan jatni gisepo basakobi dakgaulani ba jagipuani gita ong'naba donga indiba uandakgipa on'na kragija obostarang jatni gisepo sokoba Misi-Saljong Ma'dong rongnade on'chongmotja ine aganoba gualani dongja.

Aje, Gilje abisa aro Radingga aro Sadingga adasa jekal a'songanti chigaantiko re roro wenroroange a'song chiga gimiko uri masianga gita an'chingba jamana jamana Achik a'songni pilak biaprangni gimin chengo mai ong'aci m aro maina ua biapihichamrangko aro a'song chigarangko mingsing minggama-chi n sandie kinalo chanchina man'a gita knatime rarikpana.

Aje aro Gilje abisa skang ro'ongni chasongni manderang ongani gimin mai obostarang skangni sal somolrango ong'chongmotenggenchim uarangni gimin mamingba sakirang donggijanio name masirikna man'jaha. Da'o ia an'ching chasongo

uamangni kam aro kattarangni gimin knarikgenchim ong'oba golpo gitasan chanchiatna man'alaha. Radingga aro Sadingga adasan' rong gatgipa ro'ongrang pilakkon, ong'telaigipa ro'ongrang gitasan nikna man'a maina dingtangmancha ua ro'ongrangko gatoe donani maming chinrang dongja. Mittam-rangode beben gatoe dona gita sraksrak dakbebea. ia kam-rangara changsao ong bebehama chanchie niangkuna man'ode namagen.

Tilsi a'bri-o Aje aro Gilje abisani a'songani ro'ongni kosako. uamang abisani ki'sangni aro ja'a ja'sirangni chinrang (Fossils) dongbebea. Ia chinrangara, maidake ua ro'ongni kosako asong ani aro ja'sirangni mohorrang rohirika. Ua chasongrangara A'chik me'aparangni aganan' gita chengo A'anma ringroringro Chinma bingbo bingbo dakmitting chasongni ong'ama ? Gisik a'ning bite chanchigiparangni aganan' gita A'chik a'songo changsao A'ningni wa'al (Volcano) ong'katama. Ia apsan a brion, singsingkol dake a'kol donggipa. ua wa'al ong'katan, ba a'biba watani (Crater) ong na nanga ine anga antangde chinchia. Tilsi a'brio donggipa chinrang A'chik a'songni bang'a biaprangon donga.

Aje aro Gilje abisani gongbina doke gallanggipa wa'a charika jekon A'chikrang Tilsiwa'a ba Tusi wa'a ine agana. Ia wa'ani uandakgipa wa'a A'chik a'songni gimik biaprangon chaa iade ong'ja. Je biapon Aje aro Gilje ja'nengtakaha aro Gongbina doke roa, uandakgipa biaprangosa chaia. Ua wa'a agreba silja aro siaba siji chasongni chasongna apsan gadango donga. Iandakgipa rokomni wa'ako A'chik a'songni ia baprangona agrede man'a amja. Me'mang narangko jekni A'chik a'songona agrede man'a amjaha, uandake iandakgipa wa'akoba, A'chik a'songni ia biaprangosan man'a amaiaha. Ua wa'ako, A'chik me'aparang den-malja aro kal akmalja ine beng'a. je mandean kal'akgen ba den-gen ua manderangnade maib, dukni ba kratcha-ani kam aro a'selang sokbabebena nanga, maina mandena ong'a obostarang gimikan mandeni chanchia aro kamrangosa pangchakaia. Uandakgipa wa'ao haida dingtangmancha Mitde-ni bilba dongna nanga maina uandakgipa wa'ako A'chik pagitchamrang chengo A'song Kosi maniode Tilta songna jakkala. Mitam A'chikrang ua apsan wa'ako "Tilta wa'a" ineba minga. Mitdesa uandakgipa wa'ako jakkalchengaha ine agana Haida ian ong-naba donga maina maiba chanchina man'gijagipa Mitdeni bilrangba dongbebeakon.

D. S. Rongmuthu, uni segipa ki'tap , "Apasong Agana (1970) Aje aro Gilje abisako. Radingga aro Sadingga jik kima ine agana. Indiba A'chik bima katta agangiparangni agana gitade. Aje aro Gilje abisa. Radingga aro Sadingga adasako, Se kimna man'ja ine raken jee agantaiskara. Uni gimin uaman'gni chong mot kamrangko sandiangkuna gita cholrang namen bange'ngkua.

Aje, Gilje abisa aro Radingga, Sadingga adasani kam katta aro cholonrangni gimin. uamangara sawachim. golposanma ba mande agitalanma chong-mot sakirangko am'e sandiangkuna man'ode. an jatna mingsa gamchatbegipa gamjin ong'genchim. Angni ia ki'tapo jeko man'a sandirikite seahachim. indiba namedake chu'onga ong'kuja ine anga an'tangan nikenga. Anga. A'chik a'songko Aje Gilje abisa. Radingga aro Sadingga adasa jekai re'roroaha. ua gita ja'rikpa'na man'jaoba, jeona man'a ua biaprangona re'e sandie. kinalo angni jongdrang nodrangna u'i ma'sirikpachina ine jeko man'a see donangenga. Aje aro Gilje abisa. Radingga aro Sadingga adasa. an'chingna A'chik a'songni pilak biap bichamrangni gimin agan talate on'angaha jeni gimin ong'a'ba ong'gijako sandie nirikpa'bo.



PHOTO:17-4-90

AJE ARO GILJENI RORAM BIAP-SARA ba A'TILA (MEMILAM)

Memilam a-bri je biapon Aje aro Gilje abisa rorongach m.
Ua rong-patal namen apala ga'nanga aro balnanga. Sepang
jolo donggipa sam bolrang dimrim dimrim dake chae, a-briko
nitoata aro an-sengata. "Ambareba dimrimrim. ake cha'na
jaksoka, Rong'ma bo-rot bo-tot, asongpana saktika".

Atila jatchio uamang rong-gate asonge Gongbina Sonako
dole, Imbanggiko sike rorongachim.

Aje aro Gilje abisani roronggipa sara ba a-tilani sambengo
Do-nol rikan' chinkoba nikna man'a. Indiba, ua do-nol bilsi
1897 dal-gipa banggiao be-gruaha ine pa Kedan Nenglang
(Mangsang)Sangma, songkama songni sakiko on'e aganaha.
Aje aro Gilje abisa Do-o aro wak jilachim ine agana. Ia biapo
basakoba basakoba, Do-mesal, Balgitchak, Wak aro gipin jontu-
rangkoba nikna man'a, indiba so-otna je gita jotton ka'oba
man'ja ine sakiko on-tata.

III

DAKMESOKANIO BAK RA·GIPARANG

1. BENARU - SILGITCHU :- Aje aro Giljeni Pagipa.
(Benaru-Silgitdu)
 2. GRIMCHI - BACHARI :- Aje aro Giljeni Ma·gipa.
 3. DIRIMIL-CHANGRIMIL:- Radingga aro Sadinggani
Pagipa.
 4. SILIKKI - NOTOKI :- Radingga aro Sadinggani
(Silikki-DoDoki) Ma·gipa.
 - 5 GRURACHA-CHANGSIN.
Nokma :- Radingga aro Sadinggani
adatang.
 6. RADINGGA :- Aje aro Giljeni Mamatang
(Grimchi Bachari-ni jonggipa)
 8. SADINGGA :- Aje aro Giljeni Mamatang
(Radinggani jonggipa)
 8. DIMERANCHE :- Aje aro Giljeni Abitang.
 9. AJE :- Abitang
 10. GILJE :- Nogipa
- } Silgitchu aro Bachari-
ni demechikrang.

A·SEL ONG·CHAKGIPA BIAP

A·song Chigani gimin agangiparang dolgni gnang-

- I- A·song Silang a·br.o, Chiga wa·te a·dingo.
Silang bibal balramo, Rong·ma me·kin ong·ramo -
(Napak me·mang a·song).
- II.- A·song Do·nare wakchelchik. Meminram misaram.
Managgiru a·chik Simsang bisik, Do·ma gittok re·ru gittango
-(Meminram a·bri).
Aje aro Giljemangni ma·gipa Pagipani a·songoni katta
a·bachenga.

DAKMESOKANI - I
MESOKANI - I

DE AN'SENGA

- I. Adikma Gongarasa, grongtangko ketali chane.
Na'bakma jakorasa, ki'metangko amsuri ine.
Uko chekkə səpəmingə galmechu galmepake.
Droba mənle agitalba, galmechua galmepaka inake.
Sepa chekkə pəltaktaksepe,
Mibi sarang bokako, merongko sate roa ina.
Warseko gəngwang gəngwange, unon gipuatana.
- II Do nare wakhelehiko, Ajeko mikkang nikjok.
Meminram məsaramə, Giljeko de an'sengjok.
Asong silling birio, umang songdong achara.
Chiga warte ardingo, danang chiga chiringa.
- III. Manggaru Achik. Simsang bisik nalsaro.
Doma gittok reru gittangpilsao.
Mamutang Radinggaba, nokpan'epaengjokna.
Adatang Sadinggaba, jamsirengpaengjokna.
Be'en an chisikhape, ba a ina Magipa,
An chi janggi sikhape, chi a ina Pagipa.
- Radingga : Hu jojong an chingba, songo rona arata.
Mils i jike ropana, angke am'e nipana.
- Sadingga : Bachiniko am'naka, hai dada re'bo hai.
An'ching Gong'ba sonako, bano donangpa'gensai?
- Radingga : Na'ara cholijaengama, gongba sona donasa.
An'ching kodam ning-rango, dape donangaibora.
Mils i pia man'baode, bijak toe cha'namo,
Attam nenge sokbaode, be'enba an'sengpa'jamo ?
- Sadingga : Dada ma'na jajrenga, an'ching bikan sokbaigen.
Angke na'tok mangmangde, koksi gape man'baigen
- Aje : Oh ! nono Giljea, na'ra maiko chanchia.
Adara Radinggara, bachiman'cha re'anga ?
- Gilje : Mamade Radinggade, bima milsi pinaka inenga.
Ku'mongenga adade, chiring ang'ke jikpana.
- Aje : Adara Radinggara, Gongba Sonakara.
Ra'angama donanga, hai am'e nipana.

Bano mancha donanga, Nokpanteniko am'bora,
Gong'ba Sona dokpana, nono" am'epa'bora.

Gilje : An'ching turam biapo, donangaibo inenga,
Nokpanteo kodamo, dapangaibo inenga.

Aje : Abi nang-na ge-sane, maman Gongba Sonako,
Intang ama nikode, an'ching doke ni-nane da'o.
Gong gegong rikagong bil'lik kambe angchi' gong.
Apajongni wa'gechong, bi'ak gr' min-dillong.
Gong gegong bil'ikgong, bo'maoni Gredong.
Mamade Radinggade, da'on panang goserong.

Gilje : Nono da'a dokaha, songa noka gam'gene,
Ab' Dimeranchede, intang agansogenne.

Aje : Nono na'ra kenama. Abi Dimeranchena,
Intang agansoora, an'ching jechaktokaina.
Mama ada an'chingko, dokna am'e sing'oba.
Na'ra jechakaibone, Apa sakki on'oba.

Gilje : Badi gita jechake, an'ching doka jokpagen,
Kakketgiia dakoba, pil'e dukko man'pilgen.

Benaru-
Silgitchu : O'gipa mamatangni nokpante jams'rengch',
Rikrikrak'ak dakemling, na'songkode attamchi.
Di'malegen sokbaenba, go'daiegen demechik
Dokepa'na am'egen, Gong'ba sona tangitik.
Am'e nio nikjaode, an'tang biaptang'iko,
Dukko man'e dongpagen, an'tang gisiktangtango.

Grimch
Bachari. : Intang sokbaku'chira, agansogen na'songko.
Sann'a dipet dokchina, agre denggu dakgiparangko.
Mamatang adatangni, turam tutip a'damna,
Re'na kraanikama, mikgil kiratcha'jama
Re'mal domalia'ina, a's' a'mat nangana,
Mikgil kiratcha'genne, songa noka mitaka,

Benaru-
Silgitchu : *Agan ku'sik neng'pila, iari sakgnikode,
Ma'a a'sel ong'pilgen, ja'man ja'wilchide.

Grimchi-
Bachari : Chinga nang'ma me'traode, mama adan mikkangko,
Re'pak dopaknan kenna, on'a mangmang
ku'rangko.

Mamatang adatangni, nokpante jamsi-rergcn',
 Kending kending dakmana, re-pakna'an sepangchi.
Benaru : Sala manengani pal, mamatang adatangrangba,
Silgitchu Bate namnikpil'aigen, doka satta dongsrangja.
 Mittam mama adade, sason ka nan, pa'srangja.
 Banoniko inatenga, agan bal'ckgriknasa.



PHOTO 17-4-90

TUSI ba TILSI WA A (MEMILAM)

Aje aro Gilje abisani gongbina doko galanggipa! Memilam
 a'brio charikaha ine agana. Ia wa'a pangnaba silja aro siaba
 sija. Ia wa'ani silgijani a'selde haida, a'a a'sal dongjani gmin
 ong'naba donga maina ia wa'a rong-brakni kosako chaaha.
 Chasongni chasongna apsan bimango dongaienga ine A'chik
 me-aparang sakiko on'a.

Ia wa'ako darangba den'e kal'akna man'ja. Je mandean manigija ba bebe ra'gija kal'akode ba den'genchim ong'ode, ua mande nangija a'selo ba kratchaniko man'a. Nepal saksa, wa'cheksiko matma mona den'aha, ja'mano ua Nepal songchi sokanggija Menilan a'bri'on brange sichipaha. Mitamrangara ke'gija ma'a no naagana matnangako man'aha.

MESOKANI - II

Radingga Sadinggaba, bima milsi piani,
 Re'bapiltokpa'jokna, chiring ang'ke jikani
 Noko sokbajokode, jamo napajokode,
 Nogi'a namchiktangko, ka'o nanggen bisongde.
 Bak songo sokkarin, borang gakattangtokjok,
 Kodam bildingbildangko, umang nikearijok.

Radingga : Chingni dring do'gako, sawa dog'a oasa,
 Ba'ra kodam gim'kko maiko bile am'asa.

Sadingga : Nono Aje Giljean, do'ga dring oama,
 Ba'ra kodam gimik'ko, salchichie roama ?

Radingga : Bima milsi piani, re'ba an'ching neng'aha,
 Turamtango neng'take, da'o dikdik rokuna.

Sadingga : Bima nilsi piaba, mande man'bebebajok,
 Chiring ang'ke jikaba, da'alde koksi chakjajok.
 Mama Gongba sonako, ianon donangpaachim,
 An'chung kodam mitapon, dape donangaiachim.

Radingga : Sawa an'ching turamch, re'bac kal'akeasai,
 Nono Dimerancheo, sing'e sane nina hai.
 Nono Dimeranchea, chingni Gongba sonako,
 Kal'akuna k'uchakbo, doka man'gen intango.

Dimeranche : Dongja mama angade, nokpantechin re'angja,
 Gongba sona donako, angadene nikpaja.
 Nono Aje Giljesa, nokpante jamsirengchi,
 Gadoange roanga, Gongba sona am'na ine.

Aje : Giri mam'i chingade, borang jang'ke gakatja,
 Salgimikin chingade, sara ong'katpa'nikja.

Gilje : Dongja ada chingade, nokpantechin re'angja,
 Doka janggil sachini, tol'e on'tokengasa.
 Borang gakattangode, abi Dimeranchean,
 Nikataigen chingkode, sara do'do nirikan.

Sadingga : Oh ! nono na'ara, borang gakatangako,
Nikrikpama nikrikja, nono Aje Giljeko ?

Dimeranche : Da'sin nang'ni ja'manchin, borang gakatangengjok,
Gongba sona donako, kondila'o keengjok.
Tol'e jechakengasa, doka man'a kenenba,
Maman Gongba sonako, an'tang doke ronasa.
Aje kakket ku'chakbo, tol'e aganpa'nabe,
Kenne jechakanichi, kiratcha'atpanabe.

Silgitchu : Him ! Sawasa mai dakjok da'oara ?
Angan da'sin iandake dakgen 'nen, adatang
Mamatangni nokpante jamsirengch gakattangnabe
ine beng'achimba. Sakkirangko ra'e da on sandibo.
Chinga buchima, budepade dongpajane.

Radingga : Gongba sona donako, am'e nion nikjajok,
Ba'ra kodam gimikin, bildingbildang dakaijok.

Grimchi : Da'siprington iandake dakegen inen anga
Bachari : na'simangko beng'achimba. Sawa mancha kal'aka
maina on-pilja

Silgitchu : Gipin sawaenggene Aje Giljemangan ong'enggen
Namkale jetbo uamangkoara, aganna kattakon ra'ja
kokarengkon olja. Da'si salon wa'ritchong,
bolritchong wa'g'chong bilikchong ine dokakon
chingan knaenga.

Radingga : Nono Aje Giljea, chingni Gongba sonako,
Sawa mancha ra'ea, on-pilgenma on-pilja ?

Aje : Giri mama chingade, nokpantechin re'angja,
Sara mi rammane, do'o rike roaia.

Dimeranche : Maina re'angjaganne, jeengasa nonode.
Gongba sona ra'ako, anga nikatengake.

Aje : Abi Dimeranches, borang gakatangake,
Chingko nikatanasa, katbapilaiengake.

Gilje : Pring sal'chugrabao, am'bol sotna re'anga,
Uni sokbapil'oa, chi ko'e roea.

Radingga : Tol'nabone nonone, ra'ja Dimeranchede,
Bimangkoan u'ia, Gongba na'song jakone.

Sadingga : Oh ! nono Ajea, da'o maiko chanchia,
Chingni Gongba sonako, on-pilgenma on-pilja ?

- Aje : Giri mama chingade, ra'a dongchongmotjane,
Abi Dimaranchede, tol'e on'engasane.
- Ridingga : Di'a bal'eka nonone, tol'e aganabene,
Aganako ra'jaode, den'esonne rogenne.
- Dimaranche : Jinggi sina sikama, nono denggu daknabe,
Gongba sona jakkipa, aiwa n'kitengake.
- Gilje : Giri chinga ra'paja, rumal jakipengasa,
Mama dokna keneming, jakpa rim'pengsoasa.
- Ridinga : Ongaima on jama, ching'de den'bebegenne,
Bi'o on'chongmotjaode, ching de ja'ku jitgenne.
- Sidingga : Gongba sona bi'oba, on'piljamo adamo,
Nono dari takrakde, agre denggu dakamo ?
- Ridingga : Binoniko sol'tainok, saoniko man'tainok,
A'song chiga birange, am'roroe nitainok.
MISINI A·PILPANI, SOTGALAKO SOL·ACHIM,
SALJONGNI GALAPANI SINGALAKO
REPACHIM.





PHOTO:17-4-90

TUSI BA TILSI WA'A (MEMILAM)

Aje aro Gilje abisani gongbina doke gallanggipa wa'a charikgipa ine A'chik Me'aparang agana. Ia wa'ako A'chik-rang 'Tusi ba Tilsa Wa'a, ine minga.

Iandakgipa wa'a, gimik biaprangode ramram chaja. Je je biaprangon Aje aro Gilje abisa, mamatang Radingga aro Sadingga-ko rikroroe neng'take Gongbina doke nisoachim, ua biaprangona agrede chaja. A'bachengo Radingga aro Sadingga adasa, ua Gongbinako. "MISINI A'GILPANI SOTGALAKO SOL'A, SALJONGNI GALAPANI SINGALAKO RE 'A" ine

agana. Iandakgipa wa'a A'chik me'aparangni aganani gitan jelaba jelja aro gimaaba gimaja. Ia wa'ako 'kal'akmalja' ine agana. Je mandean ia wa'ako drae ba u'ijae kal'akgen, ua mandena maiba dukni ba kratcha'ani ba sia bon'aona soka ine A'chikrang bebera'a. Bebera'ani gitan A'chikrang ba jejatba ia wa'ako sriko-mitino ba je somoioba kal'akbebeja, maina ua wa'ako den'e kal'ake ba nosto ka'gipa manderangna ong bebebe a'selrangko nikeba, ong'bebeakon ine bebe ra'e kentoka.

Tilsi ba Tusi wa'a A'chik a'songni ia biaprango mong-songbate nikna man'a -(1) - Memilam a'brio. Songkama song-samo (2) - Tanggittik Nokpante ba Koasi Nokpante - Koasi a'brio (3) - Sangru a'bri. Rangsang Arengdo songni salgrochipak donga (4) - Gadeng a'bri. Sangru a'bri Salaram nichingchakagipa a'bri aro (5) - Tilsi a'bri. Konchikkol songni Saltramchipak donga. Assam a'songoba, apsan wa'akon ia biaprangoba nikna man'gen - (1) Budalong-Benagong a'brio (2) - Sepon a'brio. Jean Boko aro Chaygon gisepgriko donga aro (3) - Rong'tottoree, Chameragu a'brio. Ia biaprangona agrede gipin biaprangode nikna man'ja ia biaprango adita bilsirangna songdo gani chinrangba gnang.

MESOKANI - III

Radingga Sadinggade, ka'o nangantokjokai,
Gongba bi'e on'jana, ia'ku jitangengjokai.
Aje Gilje abisa, Gongba sona bi'e n'oba,
Jako jakmikkepessa, donuaijok bisongba.
Radingga Sadinggade, gisik duk man'angengjok,
Ma'an songko watgale, re'chakatantokengjok.

Radingga : Songa noka mitaka, man'e maina re'aina,
Jong adana kratcha'e, songo maina ropana.

Sadingga Aman bibol biteko wate re'na nanggnok,
Bitchini kosi war'ko, janggilatna nanggnok,
Oh ! mama chingade, a'songtangko watgale,
Re'na nanggnok chingade, chigatangko don-gale.

Radingga : A'song Donareko chiga, wakchelchikkowatnok Apa-ne,
Meminram mesaramko, janggilatnok Amane,
(Meminram a'song)
A'song sillang biriko, watna nanggnok, Bitchine,
Chiga wate a'dingko, janggilatnok, Budene (Napak
me'mang a'song).

- Silgitchu** : Bachi re-na rona am'enga ?
Sin'ako janggi'ate injok sipana.
- Grimchi** : Ah ! bachi re-na am engana ? Ma'na songko nokko
Bachari wate katna am'engana
- Silgitchu** : Haha ! wach ronakana injok. Namedake
Singrike ra-bora. Na'aba ja'rikangkande.
- Radingga** : Nono dari takrakan, Gongba sona bi'cn on'ajack,
Songo noko reoba, ifma mitakaigrck.
- Aje** : Mama bachi re-naka, ada malko am'naka ?
A'song nloropana chingaba re'e nipana.
- Radingga** : Da'a bal'ekne nonone. agrepil'e daknabe,
Songa noka mitakna. kenne katengasane.
- Aje** : Katbo na'a mamaba. san' songchi katnaka.
Gongba sona dokjoljole, ia'ku rikgen nang'naba.
- Grimchi** Bachi katnaka, bachi donaka, re'angnabe, Je
ong'oba nasimang songcn dongemirgWekmatedinga
dinga Aje aro Gilje abisako dangsarangbo. Jawa
songchi re'angsrangahaode, chingaba nike si awaha
- Benaru** : Katangnabe re'angrabe marde skara seke bale
Silgitchu kata inaignok. Chinga ma'gipa Pagipasa
na's'mangni pal kratchachakainok.
- Radingga** : Jojong knatimnabe, ba'ra kancha taribo,
Ragitoe ra'gnok, mi'am krok potako.

MESOKANI - IV

- Ma'ni bibol bitena. sinteangnok Radingga,
Pani wa'ge am'pangna. girapangnok Sadingga.
An'tang nokpanterangko, an'piltaitai niangnok.
Ringa chidaretangko. nipiltaitai girapnok.
Ma'an nokko watgale, re'nakengick Radingga.
A'songtangko don-gale, katangergick Sa dirgge
Gipin ma'an a'songko. re'anggenne Radingga
Balmin ma'an chidingko, roanggenne Sadingga.
- Radingga** : Hai jojong re'gnok. ba'ra kancha ra'jokma ?
Milam krok potako, na'ara ragit'ckkra

- Radingga** : Rama tangka dakramko, re'ginine jojongne.
Sillang mikchi ong'ramko, rognine an'chingde.
Hai jojong re'bohail, ta'arakale re'pabo.
Nang 'ni re'baa janggilchi, da'a na'a nipilbo.
- Aje** : Re'angengjok adade, nirikoan ka'paka.
Katangengjok mamade. ku'rangna'an ka'sara.
Hai nono re'bora. ja'ku ta'rakkalbora,
Intang rama nikjawa. na'ara gong'rakkalbora.
- Gilje** : Katna mama am'ara. katangbebeaiamo ?
Wate re'na aganna. watangbebeaiamo ?
Ka'pakjama mamara. an'ching abisanara.
Ka'sajama adara. Ama Apan a'songna.
Oh ! mama Radingga, chingko nipilatbora.
Bara kincha ra'ako, chingna ra'na on'bora.
- Radingga** : Nono Aje Giljede. ia'rikbabebe-engjokai,
Gilje dari takrakde, rikbabebe-engjokai.
- Sadingga** : Songa napakgipade, seke kata ingine,
Gittim re'pakgipade, jika jikse chan'gne.
Badi gita katenba, jokna cholko man'gne.
Mai cholko dakenba, an'ching jokna man'gne.
- Radingga** : Hai jojong gong'rakbo. nipilnabe dariko,
Sadingga : Nang'ni nipilanasa, chadengdika angaba.
- Aje** : Oh ! dada Radingga, Gongba sona doknane,
Chadengdike nipilc, changsa an'piku'bone.
Ku'siktango simalwa, donakon mamade,
Jaksitangko gongpinang. salakon adade.
Rong'ma an'tala'ona, an'cheng apala'ona,
Kattangoba mamani, ja'rikaigen chingaba.
- Radingga** : Aiwan aman a'songchim. h'm ! angai gosercng,
bitchin buden chidingch'm, da'al salsa mo jong.
Aman wa'ge chubanda, Mongma rurikaignok,
Apan bibol biteko, Amak akrikaignok.
- Sadingga** : Ringna basing baringga, ringe roaienggnokmo ?
Aman minga Sadingga, brange siaigncmo ?

MESOKANI - V

A'songanti wilwile, chigaanti bawile,
Re'angjok uamangde, roanggnok bisongde.

A'song prakprakni chigako, kattarangkon talanggen
 Chiga prakni a' baku, a'songantin wenanggen.
 Aje Gilje abisa, a'songanti rikgine,
 Radingga, Sadinggaba, ama dipet katgine.
 Gittim napakgipade, seke katta ingine,
 Songa re-pakgipade, jika jik se ingine.

Sadingga : SIPIN ma'an a'songko, ada maina mingaba,
 Balmin ma'an chidingko, maina mancha de'aba ?

Radingga : Jojong u'ikujama na'ara kina ku'jama ?
 Jinma mingsing minggama. songa biming de'ara.
 GERE nokte ong'ana. rejak dingtang cha'ana.
 Kinajama na'ade, jojong u'ipa'jama ?
 Mongmako bolgro oka. balwako jakgitok pe'a,
 Agamko wagam pe'a. angkeko sko sota.
 Kinmako bibik ota. do'nokko beri oka.
 Rejakmako grang chita. Geremako mitap oana.
 Rejak silchi sikaba, ianon sika inake,
 Gereko mitap oara, ianon oa inake.
 Rejakmako grang chita, ianon chitanaba,
 Geremako kiro oka, ianon oka inna.
 Rejakmako Narap mingana,
 Geremako Nojimje de'ana
 A'ning Rokrin Me'asa, ge'a ina ukode,
 Chining Rejan pantesa, dape donangake.
 Minggnikon uasa. ge'e dape donanga,
 Be'en maronchina inen, ua patiang.

Sadingga : A'song prakprakni kattarang talama ?
 Chiga prakprakni a'bakoba bon'ama ?

Radingga : Gisik me'apaniko, chanchibone jojong
 Ama, Apa aganna, u'ijama Sadingga.

Aj : Oh ! dada Radingga, Oh ! mama Sadingga,
 Re'a ja'nengbajokai, changsa nipilpa'bora.

Gilje : Oh ! mama Radingga. Gue siri cha'genma ?
 Oh ! dada Sadingga, Gongba sona doknama?

Radingga : Oh !jojong Sadingga, nono dari takrakde,
 Sengsopa'bo inenga, namchik Aje Giljede.

Sadingga : Gongba doke ronade, sengsobo ke adara,
 Ka'saode na'ara, nisobo ke Radingga.

Radingga : Da'a bal'eka jojongne, gipinkosa bal'ekbo.

Sadingga : Ka'asaiaode mainasa, nipilade adara.

- Radingga : Kurang on'ajokonna, maina nipiljagine,
 Sadingga : Jinma u'igijade, seke kata ingine.
- Radingga : Baleknaba jojonga, hai re'chakatainok,
 Tarakkale re'bora, intang srapeginok.
- Sadingga : An'sangjokmo inode. nikwatjokai uchide,
 A'bri simdimsimdimsa, Rong-ma rikkim rikkimsa
- Radingga : Mina an'sangjagine, jinma agangipara,
 Maina nikwatjagine, songa biming de'ara.
 A'song aha didiko, kinajama na'ade,
 Chiga Ranggal mongsiko, u'ijama na'ade.
- Sadingga : A'song aha didia, sani sani a'songba,
 Chiga Ranggal mongsia, sani sani chidingba ?
- Radingga : Gintini kakchengu, a'songnane jojongne,
 Jonggilwengni josengni, chiganane uade.
 Gant ko b'achakram, chidingnane iade,
 Jonggilwengko neng'chakram, a'songpara iade.
 Ranggalisiko ianon, b'achakgipa a'songba,
 A'song chiga antion, a'nokgipa dongaba.
- Sadingga : Daroba ianonpitima, uming songdongpitima ?
 Biaptangon dongkimo, nokpintepaengpitima ?
- Radingga : Banoniming dongkamna, re'angman'jok chawar,
 Re'na kraa gita, re'angaha jiktangchi.
- Sadingga : Biming mai minggipa, rimangamo adamo ?
- Radingga : Anangpa Diklingpasa, rimeana inamo ?
- Sadingga : M'ade ginangenggenmo, b' ming mai mingaba ?
 Pade dongpaenggenmo, pako mai mingaba ?
- Radingga : Dipet bongbet sing'ara, anga aganatnane,
 Katta rongtalnakode, jojong knatimbone.
 Magipako MALASI, de'a ina Sadingga,
 Pagipako Miranda, de'a ina jojonga.
 Malasini dinglingram, biap ina ukoa.
 Miranlani ki-me sonne, neng ram ina.
 Anangpa Diklingpara Re'supa Re'balpara
 Rimeana umingkon sing'eana uchikon ina.
- Sadingga : A'songnasa rimama, chiganasa sing'ama ?
 Bimangnasa rimjokma, mikkingnasa rimjokma ?

- Radingga : Gantini ma'koa, chengrip minal mingana,
 Jonggilwengni ma'koa Sarangchit mingana.
 Ranggilsini ma'koa, Banisaset de'ana,
 Gantini Pakoa, Tatiabal de'ana.
 Pakmao gam'pachinara, Ranggilsiko ba'ana,
 Dare susachinara, gantiko ringringko neng'ana.
 Kambe sinilgipara, bolringrangjak pangšana,
 Bima malamgipako, gukkigrak mangšana.
 Chidarena do'pakkal, dopachina watana,
 Bolma bolsa manggal, chaa ina unoa.
 Dareona dandrakko, gaggakchina rimana,
 Rong'barena Matrongko, malgachina singa'na.
- Sadingga : Una agre rimjama, gipinkode singj'ama ?
 Baḍi gitan bang-enggen, a'sak mikneng'anirang.
- Radingga : Do'kua deapako, sing ako knajama ?
 Wa'cheksio ba'china. Apingga re'rupana,
 Bolkambeo rochina, do'kua deapkao rima.



PHOTO 19-4-90

NOKMONG (MEMILAM)

Aje aro Gilje abisa ia noko (Rong'madot) donga ine agana. Ia rong'madotni samtangtango dal' dal'begipa Prap aro Gittingrang chaa. Rong'madotni samtangtangan rong'grim aro sillang dare daka. Ia biapon Aje aro Gilje songdonga ine agana.

DAKMESOKANI-II

MESOKANI - I

A'song chiga bon'anggan, nogipaba rikanggan,
Radingga adasaba, ama dipet kattanggan.
Biri chukala'ode, a'bri namka'ode,
Nidikoba an pile, nisogenne bisongde.
A'song mao gidoma, chiga tangtinima,
Ronggatgine bisongde, nisogenne umangde.
Uko badeangman'e, uko speangman'e,
A'song dirimilsajok, chiga changrimilsajok.

- Aje. : Oh ! dada Radingga, chingna karsajajokma ?
Oh ! mama Sadingga, pil'sa nipiljajokma ?
Gong gegong bil'likgong, Apajongni wa'gechong,
- Gilje : A'an gitok bon'kame, rikainamo abimo,
Janggi tangenga dipet, ja'rikaina Ajemo ?
- Radingga : Oh ! jojong Sadingga, rikba'ama rikbaja ?
Nono dari takrakko, niksoama niksoja ?
- Sadingga : Anga nipilatnane, sengkubo adane,
Name nikatsrangjaenga, anga ronggattainane ?
Ronggata o chadenge, niatbone adane,
Nikatode gonggonge, kataibone na'ane.
- Radingga : Aiwa re'babebeenga, dari boldak takrakde,
Gongba sona ra'bite, a'dingbatokengane.
- Aje : Nio nidikbeoba, nipilama Radingga ?
Gongba sona ra'bite, rikaigenne nang'koba.
- Radingga : Hai jojong re'bora, a'song Ram Lokonna,
Ja'ku tarakkalbora, chiga Ram ch'on'olna.
- Sadingga : A'song Ram Lokonko, maina minga adane ?
Chiga Ram Chondolko, maina mancha de'ane ?
- Radingga : A'kimbri bawilramchi, sokegenmo a'songna,
Rongtamatchi wilwilramo, najokgene Sa ingga.
Mangsawe mitilram a'songo, Do'kuako ba'ana,
Apingga re'rupako, do'kua jimjeramo neng'ana.
A'song Ram Lokono, Do'kuaba roana,
Chiga Ram Chondolo, deapara wenana.
Bekgitok garengmalde, donga sa'min a'songo,
Gilnok donja ina, chonggi chitja uano.
Sangma sangreng, a'ning dare raria uako,
Rompa chining panteba, jaksokpa'ajok uko.

MESOKANI - II

A·bri simdim simdimko, niwate golpoanggen.
 A·chu andalsim imko, nikate agananggen.
 Sulgrochi mikkange, re·anggenne bisongde,
 A·gitichak chichalwana, re anggenne umangde.
 Uko badeanggnok, uko speanggrok.
 Biri rimrimangnok, patal spebaginok.
 A·song Gongja dareko, chiga tapsigiriko,
 Re·anggenne umangde, Tapsigreni a·songko.

- Aje : Aiwan Duran nokb'chong, nono u·ikujama.
 Uanbani Duramong, na·ade rongtalkujama ?
- Gilje : Giri abí kinaja, Duramong nokbichongko,
 Katta ma·talkujacnga, Ranggira a·biriko.
- Gilje : Nio mikkim rongake, danpanang Duramong.
 Niko andalpil·ake, aiao ! da·nang nokbichong.
- Aje : Maina mikkim rongjawa, man'e dange cha·ara.
 Maikai andaljagine, an bataiengara.
 Rikgitok ga·bingbange, ga'a gama bon·gija.
 Chubitchi chiting doke, roa ringo bon·gija.
 Min mande gitchamrang, skang songdonggiparang.
 Jappa-Jalimpasa, Dura a·ba o·eming.
 A·bri Duramongko, O·a ina dotgimik.
 Ranggira a·brisako, den'a ina chu·gimik.
 Uko a·ba cha·aon, Duramongko o·aon,
 A·ba gamna bang·ana, Ranggirako den·chapon.
 Ma·antiko chimonge, sakantiko tom·dake,
 Nokdang a·ba dakana, jikko jora ra·ake.
 Akkalo bitchi ringa, da·an panang Durade,
 Kangalo bidak cha·a, uabane Imbade.
 Ranggirani kattade, Duramong nokbichongko,
 A·sa o·ao bang·jana, man·chapata nonomo.
 Jappa Jalimpasa, Sukapa Bongepasa,
 Ranga Kera dakako, man'a inna uasa.
- Gilje : Badi gita gameming, biri dotgimikko.
 Bon·atamo abimo, Ranggira a·brikoa ?
- Aje : Jappa Jalimpani, kattako kinajama nonoa,
 Ma·anti sakantiko, jora ra·a inara uara.
 Bilsisa·o gamani, donna gitichi achokko,
 Jamsa gapa Giljene, kinajama jamnokko.

Unonisa bisongde, ma'anti sakantiko rimbata,
A' ako wenna chiko pan'a, a'gilsak chigilboona.

Gilje : A'song a'gitchakona, re'gnokmo abimo,
Mamamangko an'chinga. bano sirapgnokmo ?

Aje : A'song Rong'gitchakona, ada re'angpa'engnok,
Chiga chichalwa'ona, mama sokangpa'engnok.
Hai nono ta-rakbo. adako sirapjawa,
Ja'ku ta-rakalbora, mamako nikrikjawa.

Gilje : A'song a'gitchakowa, maia minga abimo ?
Chiga chichalwa'koa, maina mancha de'aro ?

Aje : A'song a'gilchaknide. donga nono kattade,
Abet ja'ku rikana. uno kata napteke.

Gilje : Skangode Abetko, b'mang rongrong nikama ?
Abet ja'ku rikara, mikkang chong'chong man'ama ?

Aje : Maina nikjaalgine, an'ching gitan dakara,
Chiga chichalwa'on, ua songdonggpa'rara.

MESOKANI - III

A'song salmichiriko, re'anggenne bisongde,
Chiga Mesot a dingko. tallanggenne umangde.
Uko badeangmano, uko speangmano,
Nikwatanggen umangde, Duramong nokbichongko.
Duramongni kattako, nokbichongni a'bako,
Tallanggenne bisongde, Bonepa Rang galramko.

Sadingga : Banonian moanga, Bangga bangbolkoara ?
Bachinaan gom'anga. kri mesengkoara ?

Radingga : Banona mopagende. soka dipet mopagen,
Bachina gom'anggende, soka dipet gom'anggen.

Sadingga : Mainasa on-galjok. Bangga bangbol moako,
Mainasa watgalangjok, kri meseng gomako ?

Radingga : Chrima Badanmasa. Attema Rangsongmasa
gom'angana,
A'ning Bokjarisa, chining Giljarisa moangana.
Watgaljaen moangjok, to'tro ong'atanasa,
Don-galjaen gom'angjok, jagipuatanasa.
Gongani Raksampani, Matgrik rimbintangmiting,
Gongsani Tirepani, Bijare ja'rikaming.

Ja'kuako wang'ana, Bangga bangbol moako,
 Ki'sangteo chikana, kri meseng gom'ako.
 Unon to'tro ong'eming, moe nio re'jaha
 Una jagipue'a, gom'e nio man'jaha,
 Segipa Asan me'a, a'song songdongkam'ajok.
 Unon Gilsang panteba, a'dok a'king man'rikjok.
 Haijojong retainok, a'song salmichirina,
 Imbo rotaiaignok, chiga Mesot a'dingna.
 Kesuni dingan salo, Kebongni toan saloa,
 Gro dingchakpa'ana, a'sel nokchakpa'ana.
 Umangni toan dingan saloan, a'ning a'sak sokbae,
 A'ning a'sak dingana, Misi Saljong toana inake,

Sadingga ; Ra ada rongtale, katta talatsrangpabo,
 Name rongtalsrangjaode, rongtale on'srangpa'bo.

Rad ngga ; Misi Chameapara, Saljong bola gipia,
 Ma'girongna ineming, jikko re'dilangana.
 Re'sal re'gilangsina, Nio baksa remako,
 Am'bol do'reng ja'sina, Saritangming ronga'o.
 Krok wa'o donanga, an'tang Kesu gannako,
 Damdil paksikeanga, Kebong ra'bitbarako.
 Nokgipani ja'manchi, giteltangni janggilchi,
 So'sirome cha'ana, weakkole roana mitinchi.
 Am'bol do'reng ja'sina, re'angani sokbai'o,
 Am'e nio nikjajok, an'tang donanggipako,
 Sing'aha saritango, angni Kesu bachijok ?
 Ianon donangpa'rachim, am'e nio nikjajok,
 Misiapani nokkolba, sing'o aganchakjajok,
 Nokgipani am'ba'on, an'tangan kolbitangjok.

Sadingga ; Ua nikatgipara, a'bri simdingipara.
 Maia maia a'biding, a'chu tu'konggipara ?

Radingga ; Jojong u'ipajama, na'ara rongtalku'jama,
 Aiwa nikatgipade, uan Chitrang a'bidirg.

Sadingga ; Chitmang a'bidingkoa maina man'cha de'amirg,
 Ang'de rongtalku'jamai, sawa songdongaming ?

Radingga ; Goerani ambli'ang, Noonggi Noongjabsa,
 A'kingtangni bakniko, seng'kitangchi chookbaa.
 Ilinggi Ilinggap Sekso ma'bit'riba minga,
 Doro dokandi, Okgituma Bolkarumaba channa.
 Simsang chiko songpenge, an'tang a'kingtangko,
 Joksretate Simsangko, Jokmripdapatna chiko.
 Uni olbamitingon, do'gisikchangataha,
 Chikolona sokgijan, wala seng'changaatha.

Sadingga : Banoniko cho'oke, olbarana uara ?
Sawa mala minggipa, cho'okenba ra'bara ?

Radingga : Da'sian aganbaaha, kinajama na'ara,
Name kinatimpabo, gisik seng'bo jojonga.
Atchiaha Goera, Rongbang Mahariosa,
Mitde ong'genchimoba, manden bimangosa.
Norimbi Dikkimbi ine, Ma'gipako mingana.
Dumerong Ducherong ina. Pagipako de'ana.
A'song A'bugrango. Goerako neng'ana, '
Chiga A'selgrango. an'seng baljokana.
Goerade atchion, wagam warakana,
Jaktong bilakana, ka'grak ka'sokana.
Sakchi doe katangjok, atchiani ja'mano,
Mande jatna aganne, antang re'baaniko. '
Mikka dim kimo, Do'de ge.ok ine,
Anga re'baronggen, ia a'gilsako.
Goeran ambitang, olbaa ina jojonga
Goerako sa'duram, sa'tipko dapram ina.
Ia chitmang A'brio, donga mitde Nokmaba,
Mahadev ba Shiva ine, mingsingana ukoa.
Uno songdong a'cha'e, pangnan ja'nengtakpaha,
Salsao A'chik me'chikko, kimjok Rupe Chupeko.
Uamangni gronggrikram, meligrikram a'damni,
Uko kiman rongmano, mingjittaijok Parvati.
Chitmang a'kimbrioan, Shiva aro Parvati,
Pangnan roronganga ina, salantian unoon.
Me'mangni Bugini, ja'nengtakram ian, '
Katchini Chanapani, ka'speram uan.

Aje : Uko badeangode, uko speangode,
A'song Balpakramgnok, Chiga Me'mang a'songne.

Gilje : A'song Balpakramode, Chiga Me'mang songcde,
Namen an'sengbeamo, balwa balnangpa'ane.
An'ching nikjaanisa, nokking bang'paenggenmo
Mande agitalgitan, nokrik nokdakenggenmo ?

Aje : Maina bang'jaaalgine, a'gilsakni mandea,
Sianggipa pilakan, inchin re'batokara.
Antangtangko so'ote, sianggipa manderang.
Re'bajana inchide, songdongana Napakon.

Gilje : Nokma Raja dongengen, songko nokko dilgipa,
Me'mang a'song gimikko, nirok sandipa'gipa.

Aje : Re-bagipa skanti. bichal ka'soparana.
 Bichal'ka'soo namjaode, watatpil'tokaiana.
 Me'mang Ratapasa, da nang bichal ka'tima.
 Me'gam Gaeripa Nokma, katta ge-ettimana.
 Balpakram cholgugao, Me'mang Meke dongana.
 Re-bagipa sakanti, gro jesopa'rana.
 Me'mang a'song rama'o, songdongana Do'uang,
 Rama sone nangchape, nokrikana uamang.
 Sianggipa sakanti, Sone bakjaruruko napake,
 Do'uangni a'tila, re-angtoka inake.
 Ma'anti sakantiko, Do'uangde nikrike,
 Aganatpaengana, rimrik salrikpa'china ne.

MESOKANI- IV

- A'song an'cheng rachani, kattako bon'angGINE
 Gitting Mangru Mangsatna, aganne roangGINE.
 Na'notang Aje Giljeba, ja'ku watangja'enga,
 A'song chiga napake, katta rongtalangenga.
- Gilje : Aiwa nikatgipade, biri a'an dal'ake,
 Nikatama abia, a'bri mikkim rongake.
- Aje : Maina a'an dal'jawa, nono kinaku'jama ?
 Da'a panang uara, bitchi buden a'songa.
 Aman Susimemani, a'song nono uade,
 Bitchi Sangkildomani, chiga ina ukode.
- Gilje : Namjanamo abimo, Susime dakdambede.
 Norikpa Kilikpade, changjanamo uade.
- Aje : Da'an panang Amara, maina nami'aalgine.
 Da'an panang Bitchia, bano changjaalgine.
 Chiga gring dilmongko, bitchi buden a'songde.
 A'an biri wetongne, Susimeman chidingde.
- Radingga : A'song an'cheng rachako, nikwatjokma jojonga,
 Chiga wari nokdeko, nikwatjokmo Sadingga ?
- Sadingga : Gitting Mangrupara, donganama ianon,
 Rani ja'dil su'ara, ja'reama biapon.
- Radingga : Ianon ja'dil su'ana, oe kambe gongana,
 Kinajama jojonga, ma'sijama na'ara.
 Rike do-bilbatgija, dal'a ina uade,

Ja'pang re-wilsokgija, silla ina Gittingde.
 A'an drau a'song ne, de'a ina jojonga,
 Chiga dilmong napaka, ua biap gitara.
 Bri rimrimba'on, patal spebaahaon ong'nok,
 A'song dingdang ga'dapjok. chiga dingdangbagnok.
 Gongara chikol baksojok ina,
 Matchara biming mingsojok una.
 Gongga chikol baktima,
 Matcha biming mingtima.

- Aje : Pring chikil dikdiko, bakgitchak hinga hinga
 Salla dura durio, me'tra ring'a ring'a.
 Salni onchokangode, ganna a'gilwitjokna.
 Sal meatam song'apo, sokme gijip jipjokna.
- Gilje : Iandakanan Susime, minganamo abimo
 Una inban dakdambe, intokana Ajemo ?
- Aje : Ruragipa Susime, mingtokana ukode,
 Malamgipa do'kime, am'o nikja inake.
- Radingga : Gitting mangru-nangsata, kinajokma jojonga,
 Rani Nangsatakoa, u'ijokma Sadingga ?
- Sadingga : Giri ada u'ija, maia a'sel ong'aba,
 Maia dake manchasa, katta ong chongmotaba ?
- Radingga : Chong-mot katta aganna, jojong knatimbone,
 Anga nang'na talatna, na'ara gisik rakbone.
 Chachura'o mimading, nanga ina jojonga.
 Olimneao kitmadang, minna ina Sadingga.
 Peksachi Tau ringro, nanganane unoan.
 Samsachi kaksi dambe, minanane bipangon.
 Bekma gongding gongdangba, nanga ina ianon,
 Patcha' ku'ang biteba, minna ina ja'pangon.
 Taumaba ringroba, ianon olimepara,
 Kaksi tema jingjingba, ianon minana.
 Samsachia nangana, dama sona te'rakrak,
 Paksachia minana, Kimal sona te'satsat.
 Bangsi sona nangana, samsachia ianon,
 Kambe chachura'oa, Gongba sona nangana ianon.
 Mima dangginangba, apsanon chaana,
 Lotta bati nangana, talla kahi bang'ana.
- Sadingga : Da'oba dongkuengama, saoba akangengnokma ?
 Minsime'en a'mango, ga'ak bon'engginokma ?

- Radingga : Girijokna jokongne, Misi akangman-jokna.
Aijokna inode, dongjajokne unoba.
- Sadingga : Gakatangen akama, maldoe'an ra'ama ?
Gol'arekchi doksate, a'onikon kolama ?
- Radingga : Kajie roa jojonga, na'ara jara daknabe,
U'ijaoba bewalsa, dongbo chanchibewale.
Bilsi katti saliko, wal'manchiangasana,
Kari Monagiriko, ga'ruruatasana.
- Sadingga : Olna inaienggnokmo, manchigipa Miside,
Kolna bon'chakjaenggnokmo, miksonggipa Saljongde.
- Radingga : Uko wal manchingipa, uko wal-du kagipa,
Wakkarok wakkimbini, bitipo napa ina.
Antang wal'manchiako, gualana uara,
Kati sali satana, katnapana jojonga.



PHOTO 17-4-90

TILSI ba TUSI WA'A (KOASI) KONCHIKKOL

Ia wa'a pilak gipin wa'arang baksa apsanja. A'chikrang ia wa'ako Tusi ba Tilsu wa'a ine minga Pil'e, iandakgipa wa'a pilak biaprango chaja. Je biaprangon Aje aro Gilje abisa Gongbina doke, roe galangachim uandakgipa biaprangosan chaaia. Ua wa'ako A'chikrang den malja ba Kal'akmalja ine raken beng'a.

A'chikrangni bebera'ani gitan, je mandean ia wa'ako den'e kalakgen, ua manderangna dal'a a'selrang ong-bebeaha ine sakiko on'e agananirangba guang.

MESOKANI - V

A'song an cheng rachako, chiga wari nokdek,
Re'anggnok umangde, roanggenne bisongde.
A'songantini kattako, tallanggenne umangde,
Chiga antini a'bako, bon'anggenne katange.
A'an ki'tik merangna. re'anggenne birange,
Sillang do'chi chongchangna, sokanggenne songgre'e.

- Aje : Dura mikka simako, nika jakpa kaagita,
Simsang guuriako, choa gitchea gita.
Bili pangpilangjokai, kari bikpilangjokne
Biri bo'rot bo'totsa, nika allangaijokne.
- Gilje : Oh ! dada Radingga, gue Akkaru gita,
Cha'nakama mamara, chinga den'e ra'angna.
- Aje : Oh ! mama Radingga, Pan ruanku gita,
Chinga chite ra'angna, sengsobone nas'onga.
- Radingga : Cha'ja cha'ja chingade, nono dari takrakne,
Nija nio nidika, namchik mibisimakne.
Hai jojong re'bora, ja'ku ta'rakkalbora.
Nono dari takrakan, srpnakjok Sadingga.
- Sadingga : A'song an'cheng racha'o, chiga wari nokdeo.
Dikdik asongku'namo, on'ti neng'takpa'namo !
- Radingga : An'ma Duara ua, songinma balmoramona.
A'song ong'a ina, Bisikkrom dal'gipa.
Chiga chiringana, Aranding Raja uno,
Songdong a'charana, Gonasing Nokma ino.
Misichi an'ti kagiparang, Misio antisni kaana.
Misi adang Raja, Saljong Sindang a'songo antisna kaa.
- Radingga : A'song An'cheng Rachana. an'ching re'na jojongmo
Chiga Wari Nokdena, ja'ku jitna nanggenmo?
Ian Gitting dangruram, uan Rani dangsatram.
Knajaengwa na'ade, rongtaljaengwa jojongmo ?
- Sadingga : Gitting dangruramkoa, ada maina mingaba.
Rani dangsatramkoa, maina mancha de'aba ?
- Radingga : Jojong knatimbone. katta Wari Nokdeni.
Anga nang'na agana, ma'chong An'cheng Rachani.
Gitting Ruutbangbangko, Rani tingdilbangbangko,
Nokkol Norimrong rodila, Rori Nokkimchong ba'riko.

Janggil matchi gogate, ba'a ina Gittingko,
 Pakkre debra stite, rodilana Raniko.
 Diltuachi re'nabe, dede grappa'oba,
 Beng'ataha nokkolko, Gitting Rani ma'gipa.
 Re'angaha nokkolde, beng'ake manigija,
 Galmandini ramchina, chikong Tanoriramna.
 Agana nachil songja, kokkarengkon olja,
 Re'angaha chikongchi, ja'anchinek natpana.
 Donangjok chanchigija, Gitting Rani Chisamo.
 Kni gisi galpana, miksonge re'ango.
 Gitting a'o onnimbe, neba beng'atpa'achim,
 Rani chio donnabe, ine aganpa'rachim.
 Aganako ra'giia, ku'rang knachakgija dakjok,
 Gitting tingdilbangbangko, nokkol a'o onatjok.
 Kni gisi galmano, ja'anchinek natmano.
 Gitting ba'ra gatnako, Rani ka'salgatnako.
 Gitting ja'dil dilmongma, su'ako, nokkol nikejok,
 Sakchi bijak jakrama, Rani anangjok.
 Ma'gipade donjawa, ba'gipade watjawa
 Chanchiaha nokkolde, pikok piksalpa'taina.
 Nokkol Norimrong keniok, Ror' nokkimchongsin'jok
 Ja'pang re'wilwi'angjok, kambe rim'e niangiok.
 Iandakmitting somoio, Misi a'ako wenbajok,
 Saljong chiko pan'bae, nokkolko man'e'ok.
 Janggi siangaigenne, iama bon'angaigenne,
 Misi-Saljong beng'aha, piksaltaina on'jaha.

Radingga : Ian a'song Arbel'a, Atchu ambin songdongram,
 Uan chiga Rangdonram, Bonepan ma'chakram.

Sadingga : Bachi maina re'em'ing, Rangko dona Bonepa,
 Maina ja'ku de'em'ing, sokbapa'ra inona.

Radingga : Mini mande gitchamrang, agananga kattako,
 Skang atchigiparang, talatanga ma'chongko.
 A'o napnakgipade, da'on naptokboaha in'ok.
 Sako bilnakgipade, bildotokbo ge'etjok
 Aganako man'oba, Misi' ku'rangko man'jae,
 Bebe ra'jae dongaha, Kalkame gisik nangjae.
 Kalkamede dongchipjok, Saljong ku'rang on'jajok,
 A'song a'jottoreco, Chiga Chameranguo rochipjok.

MESOKANI • VI

Miblsan ran'bokana, Misin wal'manchiade,
 Ronggirio chawalja, Saljong wa'ldu ra'ade.
 Wakkarok wakkimbeni, tipchalko galjaljala'o,
 Nape kataiaijokna, amchakja'e sin'ako.
 Kati sali satmano, monagiri badeo,
 Tue chakatbapa'o, kawak cha'a innamo.
 Jikchi pil'angoara, jikan ang' se'injajok,
 Dechi re'angpa'oara, dean katsopil'a'ijok.
 Ukon so'ok nanggipa, changnine a'sakde,
 Saljong kawak cha'gipa. de'gnine ukode.

Radingga : 'Manchigipa Miside, ra'nan man'angsrangjajok,
 Miksonggipa Saljongde, kolomna'an niksrangjajok,
 Nosiksik (Nosilik) Nomindiksa, kile re angaijokna,
 Noondik Nokandiksa, de'e katangaijokna.
 Kena arupachina, gohalini sambaona,
 Wakalpake donejok, Uga Maldangpachina.

Sadingga : Unoniko man'esa, a'jong Kacharirangsa,
 Misarina minenga, Mina a'aliesa.

Gilje : Agre mikkol simsim, badiani bidingmo ?
 A'chu andal simsim, maia maia a'brimo ?

Aje : A'song Gongrang patalke, biri te'sok ja'pangne,
 Ta'narot chasingramke, Mianma tuchikramke.

Gilje : Mikkang rong rong nikama, bimang chongchong
 man'ama,
 Mianma tuchikara, Ta'narot chasingara.

Aje : Maina mikkang nikjawa, maikai bimang man'jawa,
 Nachil ruanku'ara, grong mikskuara.
 Dalla ruanku gita, onga ina nanchilan,
 Ro'a grong miksku dugaa ina ukoan.
 Niche Salche ma'bitchi, deko dingdingpa'rana,
 De bakgitchakkoa. Gring Changding mingana.
 Megru Asalgoosa. Menma tusimana.
 A'song Darugreosa, ta'narot chasingana.
 Segipako mingana, Adinot Santra ine,
 Mechik Chase Balmena, tutimana Menmade.
 Gro miksikku uo, tuchikana inane,
 Nachil ruankuo, bamchakram nane.




PHOTO 17-4-90

AJENI CHIKONG ARO MITANGRAM (MEMILAM)

Ian Aje, abitangni chikong ong'a. Ia chikong, pillak gipin chikongrangna bate dal'bata. Iano mi chakar'o mi chaa aro minkario mine ga'ake chasongni chasongna tangaha. Buringni do'o matrangba ia chikongni miko nisija. Gipin, Giljeni aro Nokkol-ni chikongrango mi chaja. Bilsi rikitna, je gita bal-ro-ro baldingdingoba, ia chikongni chi tipja aro wachikarioba je gita mikka badrioba suakja ine me aparang agana. Chiba je gita sal ding'oba ka'sinbea, aro chio maming saloba moila-rang ga'akdapja.

A'songo mikka wajaode, Pa Kedan Nenglang (Mangsang) Sangma, Kamal tuara, ia chikongni sambao Do'bok den'e wachi kritrongaha. Je gita sal rakoba, iano wachi kritode, mikka da'oba wakuenga ine sakiko on'e aganaha. Ia Mitde namen raka aro bebe ra'a gitan ong'aia.

Pil'e, Te Leading D. Sangma, Pa Narendro Sangma Song-kama songni kattako agane inaha, Ajeni Chikong sambaoni ro'ongko dotsni kolangenba, Ildek chini Malcheng wario galode mikka, je gita bal sal rakoba, watela. Iako Pa Narendro Sangma bilsi 1988-o dake niaha ine aganaha.

Ajeni chikongko A'chikrang, "Mitangram" ineba minga Chikongni samtangtango donggipa sam bolrang da'o kasine Ka'sine gimaangengaha gita nika. Sepang jolo dal'dalbegipa Bolsal aro gipin bolrangko den'e palna a'bachengengaha. Ia bolrang sepang jolo dongjahaode ja'mano ia chikongni chiba tipgen. Ua bol aro wa arangko chasongni chasongna ripinge dona man'ode namgen.



PHOTO 17-4-90

GILJENI CHIKONG (MEMILAM)

Ajeni nogipa Giljeba an'tangna chi ringna aro au miksuna dingtangmancha chikongko kitaha. Ia chikong Ajeni chikongna bate on'tisa chonbata. Chikong je gita balroo baldingdingoba

dal aba da.dapja aro tipaba tipja. Chi namen rongtala aro maming moilarangba bolgrim ong'oba ga'akdapja. Ia chikongo bilsio changsa, a'gani mi ge'e chakario pangnan mi chaa aro apsan biapon minkari somoio ga'aktaia. Buringni do'o matrangba ia miko nisija Chasongni chasongna, mi chae mine ga'ake apsan biapon chataitaia.

Gisepo ia chikongo na'tok na chirangkoba nikna man'a indiba darangba rimja aro kal'akja maina kal'akmalja.

Wachikarioba je gita mukka badrioba, ia chikong suakja.



PHOTO 17-4-90

NOKKOLNI CHIKONG (MEMILAM)

Aje aro Gilje abisa antangtangni o'gipa mamatangko rik-roro reroro dakmiting somoio nokkol chakkolkoba rakiachim ine agana. Ua nokkol-ni bimingko darangba agana man'ja. Nokkolni Aje aro Gilje abisa chikong dingtang kite on'aha. Ua nokkol me'chik a chikongoniko chiko ringa aro au mik-suchim. Chikong je gita balrororo baldingdingoba tipja aro namen grika. Aje aro Giljeni chikongna bate chonbata.

Ia biapo, nokkol me'chik dongskaha.

MEOKANI - VII

Saliramchi mikkange, wennakjokai Radingga,
 Biri rimrimbapile, re·nakjokai Sadingga.
 Mokpa Dimpako, nikwatangjok bisongde,
 Resupa Rebalpako, man'anggnok umangde.
 Aje Gilje abisa, ja·man rikbaenggipaba,
 Samnatchi Imbanggina, re·baginok bisongba.
 Uko badeangode, uko speangode bisongba,
 Nikwatbagen umangoa, Memilnram Mitangramna.
 Unonisa d'ona, sakanlina patie,
 Jangz' tangatpa·enga, ma·antina suale.

Aje : Aiwa ge'a rikamo, ua donga chisamo,
 Nangni boli nokmana, awachichim ra·jamo.
 Tuakchike roenga, ina na'a nonoa,
 Ja·chellue re bara, tol'a me·aparanga.

Gilje : Arengma Sandomara, gakatbara ukonma ?
 Gakima Benalmara, re·baa ina uanma ?

Aje : Uan jaeming badia, gita nika nonoa,
 Badiani b'idingko, tol·banaka Giljea.
 Uno tuakchikako, uno ja·cheluako.
 Mikkim Jakkimsasa ina, nikeana Giljemo.
 Anne siaa ino·ning, rawa ra·ana re·ango,
 Nikeana ukoo, re·chim pikna roango.
 Anganba Minma, anginba Ma·anma inaha,
 Okam intilataibo, noknateng jamsirengna.
 Mikasi ne roriko, watatgine inaha,
 Sag'e dimbra saksako, onatgen ine jaha.

Gilje : Arengma Sandomara, muia soke gakatja ?
 Gakima Benalmara, soke maina dobaja ?

Aje : Nono kinaku·jama, na ara rongtalku·jama.
 MINMA gakatako, il·lengako ma·anma.
 A·an pokpekbarana, chian jingjitbarana.
 Ma·nma illengaton, gakatba·on Mianma.
 Una tortro ongesa una jagipuesa.
 Arengma Sandomara, Gakima Benalmara,
 Dama dimdimsoana, Adil reresoana.
 Rimol surchangsoana, do·chi gochangsoana.
 Unoni katangesa, unoni pil·angesa,
 Aiwa bolsil mikchiko, ua ginal Tirana.
 Sinal Jamge a·doko, walsa waltubarana,

Da'nang bolsil me'chiko, salsa saldongbarana.
 A'chik pagitchamrangde, uni salgirikosa,
 Jamsireng noknatengo, okam intiltokenga.

- Radingga : A'chik jat ma'chongni, a'bakchat kil'kangako,
 Jojong kinapa'jokma, man'e cha'gipako ?
- Sadingga : An'ching agangipan, biding ine kinara.
 Bonepa Janepasa, man'a ine intoka.
 Boldak bolginangkoan, ra'ba ine kinara.
 Wa'ge chongginangkoan, choba ine man'soa.
- Radingga : Bigil rikkap rikkapko, Aipa Abingpaan,
 Chobarana inenga, Guangpa Ebangpaan.
 Ta'wakjuna wang'ani, a'se rikamoniko,
 Kalsinnemna dapani, delnang buchuoniko.
 Gitting dongruaniko, mese wal'ma bal'ba'e,
 Rani dangsalaniko, mat tengk' ra'ba'e.
 Unoniko man'esa Bonepa Janepara,
 Teng'ak tengsinparanana, Rangbildi Rangbildaba.
- Aje : A'song Kalpet bisiko, chiga rong'chok gitokna.
 Nono u'ikujama, na'ade rongtalku'jama ?
- Gilje : Mamade Radinggade, a'song Salmechriona,
 Sokangjokmo abimo, chiga Mesot a'dingna.
- Aje : A'song Salmechirio, sengsobone adane,
 Chiga Mesot a'dingo, na'mang roso'apbone.
- Radingga : A'song Salmechrikoa, kinajokma jojongga,
 Chiga Me'ot a'dingko, rongtaljokma Sadingga
- Sadingga : Gir' ada kinaja basak knapa'gende.
 Kattarangkon rongtalja, a'sel maia ong'ane ?
- Radingga : A'song Salmechrikode, chiga a'ding mesokjok,
 An'ching agangipajok, da'si golpogipajok.
 Kesuni dingan salo, Kebongni toan saloa,
 Gro dingchakpa'ana, a'sel nokchakpa'ana.
 A'ning a'sak dingoan, Misi Saljong tooan,
 Nokko nokchakgipaman'jana, gro chelchakgipa dongjana
 Michriko surtiklike ua, song'e on'atparana,
 Ta'matchi ja'k milko jakimae, rite on'atparana.
 Sal naba a'dingdang, Michri surtiklikana.
 Salmechiri mingana, Mesot a'ding de'ana.
 Kesu ra'bitbaako, so'srome cha'ana,
 Kebong ganbitaako, ringop ringbamtokana.

Kambechi Misi-Saljong, Uni gro dingoa,
 A'mango Bisikkrom Mitde, Uni a'sel tooa.
 Uamangkön A'chikrang. A'ning dedrang mingana.
 Uno dakchakgipako, Misi-Sa'derang de'ana.
 Resuche Kalaweko niwate, re'na jojong Tongrengua,
 Nanggilwako nikwate rona an'ching adasa.
 A'song golde matkolko, nikwatama jojong,
 Chiga Dongrang Imbangko, niwatamo Sadingga ?

Sadingga : A'song Golde matkolko, ada maina mingaba,
 Chiga Dongrang Imbangko, maina mancha de'aba ?

Radingga : A'song Dongrang Imbangde, Chiga golde matkolde
 Bang'a ina kattade, adi donga kamrangde.
 Desuma Pakalmako, Benagong Budalongo,
 Mangonani saloan, Dongrang dokana wakko.
 A'song Golde matkolba, skang me'aparangde
 Jikna a'kol cho'ana, golde matkol mingane.

Sadingga : Ian a'song Tongrengma, nikatjokai adamo.
 Chima Jambalgrekode, rongtal ma'siatamo ?

Radingga : Gabil Mitde grakkoba, nikatamo jojongmo,
 Dambo-Rongjeng a'songko, rongtale nikkamamo ?
 Ia Jakasichiko, nikamata nambate,
 Angni mesokata a'songko, name niatpa'bone.
 Aiwan jajong kadoram, amak ma'ni ja'weram,
 Uan Amak nionram, Rangguma grapsiram.
 Sala napanga'dingdang. Duramong nokbichongko,
 Nikatama jojong, Ranggira a'bidingko ?

Aje : A'song golde matkolni a'bidingjok aiwade,
 Chiga Dongrang Imbangni, a'birina Giljene.

Gilje : Mareng adil sikramko, nikatamo abimo,
 Chasinat Salmemangko Rongtalamo Ajemo

Aje : A'song Tongrengma ona, re ang'taijok adade,
 Chiga Nanggilwa ona, sokang'taijok mamade.
 Tongrengma Nanggilwa'o dikdik asongpa'kuna

Re'suche Kalaweko, niwatate ropana.
Ama apa agana, Amak ja'ruweramna,
Bitchi bude talata, Ranguuri nokpanteramna,




PHOTO 17-4-90

WERAM A'BRI (RONGJENG-JAMBAL)

Weram a'bri Rongjeng-Jambal songni Salgro-Salaramchipak donga. Chengo ia rong'madotni kosako dal'begipa gitting bolma dongachim ine agana. Ua Gitting bolma ja'dil ja'reonpile a'bri-a'kong ganggope al'achim. Ua gitting bolma siaha. Ua apsan biapon, Gitting aro Prap bolrang rong'madotni samengo chataiaha, jean namedake dal'kuja.

Weram a'bri namen sillang dare aro a'kong rong'baarerara. Chengo ia biapon, A'chik a'songni pilak ma'anti sakantian weranguurina re'batokachim. Aje aro Gilje abisaba ia Weram a'bri gitan mamatang Radingga aro Sadinggako rikrromiting somoio weangpa'ra ine agana. Weram a'bri nalsaoni nalsaona Amang weranguurirongachim.

Biaprangko namedake nigenchimode. skang ro'ongni chasongo saobade songdongna nangakon ine chanchina man'a.

- Gilje** : Amak mikkong dangdangba, lanon atchipa'ana,
Ranggol ki'me gonggildang, unon an'sengpa'ana.
- Aje** : Ong'ja nono umangde, ino songdongkam'jane.
Brangba'e re'baesa, Umang sokbapa'ane.
Misini jakrimrasa ina, A'ning mitapsnini,
Saljongni re'dokranana, a'bachengo umangni.
Da'o umang sokbaesa, Amak nokpanteana,
Skangode bisongde, Raja saksa ong'ana.
- Gilje** : Indi da'oa bachijok. Amakman Rajara.
Bachi re'angtokpajok, Ranggolman Rania ?
- Aje** : Banoniko nikuna. Amakman Rajako.
Sie bon'angtokjokna, Ranggolman Rani uno.

MESOKANI-VIII

- A'song weram a'briko, re'anggenne umangde.
Weramo wegipako, nikanggenne bisongde.
A'song weram birio, walsa waltuanggenne,
Chigat do'kol a'dingo, salsa saldonganggenne.
Uko badeangdode, bri speangode,
Gitchuma Garumachi, wenanggenne umangde.
Kari nogol kitramko, re'anggenne umangde.
Durani na'ki jilramko, napakanggen bisongde.
- Sadingga** : A'song Jambalgrekoa, ada maina mingaba,
Chiga Jambalgrekoa, maina mancha de'aba ?
- Radingga** : Rongjeng Jambalgrenide, donga jojong kattade
Anga nang'na talatna, name knatimbone.
Asiko matcha chika, ina jojong ianon,
Maljako Buga ra'a, ia a'song chiga'on.
Asiko matcha chikana, Maljako Buga ra'ana,
A'song gro nangana, gamna kene katana.
Gro gamna keneming, Nokg'mikan katanga.
Asi Malja jikgipa, sakgnian re'anga.
Mi jam balgimikko, moe olle kattangjok.
Moe olle re'angon, Jambal mingriksajok.
- Sadingga** : Asini jakgipako, maia biming mingamo,
Maljani jikgipako, maia mancha de'amo ?
- Radingga** : Alao jojong na'ara, agre pii'e sing'amo,
Anga name talatna, agan knat'mrikbo.
Asini jikgipako, Aru-Jamge mingana,

Maljani jikgipako, Norik-Nobam de'ana.
 Nokrek Medan a'brlo, Mitde Mebit songdonga.
 Mitam me'aparanga, Rokkime biming minga,
 A'chik a'songona, gakat gadogipako,
 Rokkime biming de'a, Mini ma'gipako.
 Unbaksa re'bagipa, Na'anma Na'sanmako.
 Dorime biming dona, pagitchamrang uko.

Gilje : Unon napsik naptine, katanama Abeta ?
 Unon naptine bamtine. donganama Ranggea ?

Aje : Maina indakpa'jawa, katon man'chakpa'jajok.
 Maina katnappa'jana, re'on sokchakpa'jajok.
 A'o napakoara, a'oniko cho'ana.
 Grimo napakoara, grimoniko mikana.
 Bolo napakobani, bolonio puana,
 Ro'ongoniko mikana, katparana Abetba.
 A'song a'gitchakoan, asok ra'e chakana,
 Chiga chichalwa'oniko, gol'lok ra'e su'roka.
 Abet ja'pa bokbok, Ranggeba sko simsim ina
 Susime gro jeaha, umang bobil dingana.
 Durako sko simsim, songduko ja'pa bokbok,
 Nikrikaijok inaming, da'nang bobil dingeming.
 A'gitchako napteko, katakoa mikana,
 Chichalwa'o bamtine, napako'an man'ana.
 Susimea beng'jok ina, umang gro dingana,
 Chibisikna nitojawa, rong'jamdapna krajava.
 Sako Dura Ambimong mingkuna,
 Sako Mongri A'chura donkuna.
 Sakosa Ama Bokjarima mingkuna,
 Sakosa Ambi Dimjarima donkuna.
 Katchi a'ning, Do'ka gisimko,
 Gro jeate kamal, ra'atesa uko.
 Dingrikiko dondike, chagrikao watgale,
 Mamasa namchiksa, gro bon'pilgenne.
 Unosa Norea Chirea, mipal gatpila ina,
 Rusina Kalsinako, rimgatpila chite gatpilana.
 Uko so'mik su'roke, bobil dinganisa,
 Aganenga manderang. gam'tokenga chasongna.
 A'an a'gitchakrangrang, dongaijokna inake,
 Chian chichal ba'rangrang dakaijokna inane.
 Unonisa A'chik pagitchamranga, krita'o mitde,
 Sonesamo kimindamo, a'tila'o songtingrine.



Do'bok den'kuenga, a'tila'o songtingrine.
Jekon a'tila, amua ine mingkuenga.

Gilje : Gitding man'a inama, gisang ra'anganama ?
Sangmara Terepara, Ranjara Chongdingpara ?

Aje : Gitding man'en asokko, ripe chorebarana,
Songni nokni sarao, da'nang donepa'rana.
Abetko man'jok man'jok ine, ua kusi ong'ana,
Songni nokni mandeba, nikrimtokpaengana.
Degnangba ganggilwak, deko ba'ra stite,
Okgingngba okrongret, okko jasipittoke.
Asok mikol mikkolko, da'nang jakchi su'roke,
Ka'dingtokpaengana, Abetko jatchi done.
Unomiting chacha'o, Misi Chameapaba,
Nikepa'jok Uaba, Saljong bola Gipiba.
Maikosa nikrimtoka, ine sing'atparana ?
Maiko dongdultoka, ine talatpa'rana ?
Sangmaba Terepaba, Abetko man'jok man'jok.
Aganaha bisongba, Ranggeko nikjok nikjok.
Sing'pilaha Misiba, da'nang Sangma Okbeto.
Aganaha uaba, da'nang Chongdingpa tom'beto.
Sangmaba Terepaba, janggikon so'otgen,
Ranjaba Chongdingpaba, jamakon kimitgen.
Misi aganpila'ha, ina na'a nonoa,
Saljong ku'rang on'aha ina beng'e Giljea.
Jamako nisinabe, beng'jok ina Saljonga,
Janggiko so'otnabe, ine champengpa'rana.
Sako Abet inkuna, chibisikkan taljawaha,
Maiko Rangge chankugen, Rong'jamdap mitmatjaha.
Abetba oe inbo, Ranggeba bebe chanbo,
An'chi kimil mangmangna, dabi toboktokaibo.
Uandakesa da'oba, mande agitalranga,
Boltottru Sanepako, Rang daktokengana.
Me'gako dama dake, re'gatchi a'sim channa,
Bre ritangtokenga, an'chi kimil on'enga.
Amikkani janggini, gok dokkokbajoko,
Gitcam Gipurangkoan, anga bikotbajokmo.
Ine togi tomoke, do'bisa matchu channe,
Kusi ong'e ra'chake, Abetba bebera'e.

Gilje : Man'a nama abia, Abetko togilara ?
Mitdekoba indake, togina man'anama ?

Aje : Simuchok biri chane, setire bisep chane,
Airi ritangangara, maina namjaalgine.

Re'gongko adil dake, sike tol'a Abetko,
Asokko kram channe, dakmesoka Ranggeko.

- Gilje : Ong'gipaba Abetba, on'ge albebejokma ?
Achi pagitchamrangba, tole rona man'ama ?
Hai nono re'tainok, golpo matchotman'ode,
Gitchuma re'patmana, rotaiginok re'taie.
Weramo wegipara, badi'ao chaanade ?
Nikenggenmo mamade, Radingga adasade ?
- Aje : Nono kinaku'jama, nang'na aganku'jane,
Da'oba nikpaku'jama, aiwa nikatgipanke.
Jinma weranggurio, mai dake roenggen,
Sangma do'bak manchia, maidake rongenggen.
- Gilje : Hai abi Ajea, jinma werangguuria,
An'ching wee ninama, changginima changjama ?
- Aje : Bagila an'sengea ma'anti, sakantia weramo,
Wetokade ekila, chubandara a'songo.
A'song an'senganasa, wea gita nikama ?
Chiga baljokanasa, do'bak manchiasama ?
- Gilje : Biming mai minggipa, werang guurichengana,
Chatchi badi de'gipa, do'bak manchichengana.
- Aje : Werang guuriako, da'oba nikujamasa,
Do'bak manchianiko, Gilje rongtalku'jama.
Werang guurigipade, do'bak manchigiparang ina,
Tauma Badanmsa attam, roangarisasa werangguurica.
Segipa biri rikim, Pakoa sima rikim,
A'ba tuatasana, tekong dokatasana.
Angse bri rikimde, me'gapna a'ba tuana,
Apa Sima dingkingde, kilgongna tekong doka.
- Gilje : Sara weranguurie, senoktangko galpila,
San baksa roeming, panoktangko jegalla ?
- Aje : Ganggua Chidualni, jonggipana mikcha'e,
Segipako galana, ba'rimana namnike.
Jambal chotchi chidingko, koda dasil ra'para,
Chima chikongtikko sate, na'ek na'sal cha'para.
Na'ek na'sal man'aba mangdok.
Minil chidek ra'aba koldok.
Sillang do'kol puaba koldok,

Chipurangba dal'dala mangdok.
Prap ja'reonaba dildok ina ianon.
Wegiparang wepara, sakdok ina salprakon.

MESOKANI - IX

A'song te'sok ja'pangko, nikwatanggen bisongde,
Chiga Gongrang patalko, nikpakanggen umangde.
Uko badeangode, a'song speangode uo,
Mao bijak kongtokko, Huro mikkang gipokko.
A'song sing'roroange, chiga tal'oroange,
Re'angenga bisongde, rikangenga Giljede.
Uko spebamano, bri rimrimbamano,
Chi achak dandirakko, dachigong mitilongko.
A'song Nongrengrengkosa, batanggenne Ajede,
Chiga Nengchibingosa, re'anggenne umangde.

Sadingga : Ua nikatgipara maia, maia a'songmo ?
An'ching re'pakgipara, maia mancha chigamo ?

Radingga : Jojong knatimbone, anga nang'na aganna,
Aiwa nikatenggipan, Gongrang patal simdima.
Sekbaa ina ianona. Marak gaora makal chindora,
Matchaduni jikko, Wanga wanga duddu chompa ina.
Sekbaenba sokbajok, Nire-Sanje me'chikko.
Marak ma'nok cha'angjok. Samin Gongrang me'chiko.
Marak seke katako, Nire-Sanje gipinchi,
Jokataha Matchadun jikko, Sekso ma'bitchi.
Donga ina ianon, Mao bijak kongtokba,
Kusi ong'e dongpara, Huro mikkang gipokba.

Sadingga : Da'nang srapjaenba, Matchadude pantede,
Jiktang Nire-Sanjena, bon'aienggnok sintie.

Radingga : A'song Nongrengrengona, da'ode an'ching sokbajok,
Chiga Nongchibingona. a'bakuko man'taijok.
Segipako Nongrengreng. manganane jojongne,
Jikgipako Nongchibing. de'anane umangde.

Sadingga : Bekma Tau ringroa, sawa mancha man'anga ?
Nanga kaksi dambeko, maia minga ra'anga ?

Radingga : Kati sali sat'mano, monagiri'badeo.
Kasi a'chang sik'mite, me'a gantong balpako.

- Sadingga : Chia man'pakangengnok, banona'an sokangnok,
Kolamgipa dongjaode, da'nang gimapa'ainok.
- Radingga : Maina gimapa'gene, bekgitok garengbalo,
Gilnok doneman'oa, nika chongge chita'o.
- Sadingga : Sawa gilnok donsoa, chiring bekgitokoa ?
Saming chongge chitasa, bima garengbaloa ?
- Radingga : Jane me'a minggipa, jabal pante de'gipa ina,
Sangreng a'ning kaana, Rompa chining donana.
Unoniko man'esa, A'chikrangna Rauma tikana,
Misi patiangana, Baminara Tauma.
- Sadingga : Agan kupatiange Misi bachi re'angjok,
A'gilsak chigilboona, badi gita sokangjok ?
- Radingga : Jojong knatimbone, anga nangna aganna,
Na'ara nachil songbone, pil'e nangna talatna.
Ikgil ga'jepjepramko, kasi sokme charamko,
Samek pura witramko, ga'dindine re'bara mrididiko.
Uko badeangmano, bri rimrim baahaon,
A'song mitdechak gita, chiga salaramchin.
A'an gitok jangramko, chian bisik sikramna soknok
Umang wenangpa'enba, da'nang jajokangjok.
Huro mikking gipoko, dingdingramko,
Lau kongtok bijakni, ritimramko.
A'song Rau okningko, chiga tangtimeko,
A'o ste dapdape, a'proko pindape uno.
Danil matgil natramko, nikpakgine umangde,
Dikgil atte dokramko, umang najokaingne.
Ajopana diltue rapbo, inc aganbajok,
Jobepana tiltoc c'inna, kusikibajok.

MESOKANI - X

- Fe'gitdu awangramko, nikwatanggen Ajeba,
Roanggine Giljede, Ianawe rong'kramkoba.
Uko badeangode, uko speangode a'songko,
Gringrang jadokrako, Anoma mikkongdangko.
Uko badeangmano, pil'e sipeangtaic uko,
Re'anggene bisongde, Te'matchi ponggroko.
- Gilje : Aiwa nikatgipara, a'bri dal dalggipara maichim,
Badiani a'biding, abi aganpa'bora dechang.

- Aje** : Aiao ! nono na'ade, a'song sing'roroake,
 Namjanane uade, Wal'angja chidorengde.
 A'song sing'roroanian, Misin jikba siane,
 Wal'angja Chidorengde, ku'namjana Giljene.
- Gilje** : Wal'angja chidorengde, ku'namjana inode,
 Re'pak songnappa'naba, pa'jawamo ukode ?
- Aje** : Ku'namjana aganna, a'song songbirangana,
 Namjaanan Durara, cha'a rikatasana.
 Ukon Durani sa'gre, inanane nonone,
 Jinma inban sakimbal, intokane Giljene.
- Gilje** : Achak karang cha'ako. watjanamo abimo ?
 Donmanjana Wal'angde. Do'do mikte nangako.
- Aje** : Attamo an'chi jekjek, pringo gitting binek,
 Cha'a ina wal'angde, donja ina uade.
- Sadingga** : Ua nikatgipara, silang dokdek simdima,
 Maia maia a'bing, Rong'ma chokdenggipara ?
- Radingga** : Jojong ma'sipajama, na'ara rongtalku'jama,
 Chengo mingsing minggama. Radu chubandakoa.
 Ua a'song chigako bate, Gakme tusiramko re'e,
 Dilme niwatramko choe, sokgen Do'reng nokpante.
- Sadingga** : Ua a'bingkoa, maina mancha de'aming.
 Angade uipajamai, sawa mancha dongaming ?
- Radngga** : Uno songdong a'chagipade, Gakme Dilme songdonga.
 A'gilsako pilaknan, bimang dal'batgipasa.
 A'songsni mandeko, changsa cha'pakaiana,
 Mongma mangsnikode, ku'sa minokaiana.
- Sadingga** : Badi dal'engnokmo, uni be'en bimangde,
 Mongma mangsnikode, changsa cha'pakaiode ?
- Radingga** : Gakme Dilme dangroa, a'doksni roana,
 Salsnini rama'on, rang'sitako knara.
 Goerasa pantesa, ka'sachake mandena,
 Silgasak rangkambeo, tate goe galana.
 Uko Badeangode, uko speangode,
 A'song chiga gipinko, anching songrebatnane.
 Ildek chini jorako, re'na nanggen jojongne,
 Gringrang ja'dokrako, an'ching napna nauggenne.

- Sadingga : Gringrang ja'dokrako, ada maina mingaba ?
Anoma mikkongdangko, maina mancha de'aba ?
- Radingga : Anoma mikkongdangni, donga jojong bichongga,
Gringrang ja'dokrani, donganakon kattade.
A'chik pagitchamrangan, game cha'giparangan,
Da'ona king aganne, rotokaienga uakon.
A'song gringrangon, chiga ja'dokra'on,
Anomako cha'ana, mikkong dangdang roanan.
- Sadingga : Gringrango ja'gengwang, mikkong dangdang Anoma,
Saming a'song songdonga, sawa chiga chiringa ?
- Radingga : Matcha Mutmetsa, Gringrango roana,
Mande Killi Rangriming, a'jak rime roana.
- Sadingga : Noko a'jak rimama, a'ako samirimama ?
Maiko a'jak rimesa, re'angtoka bisonga ?
- Radingga : Pakramma Gilsangmasa, a'jak rima inake,
Kirong dudumako, sol'atana inake.
Chekreng dareoniko, Jambal Mitdeoniko sala ina,
Sol'a ina ukoa, Te'gitdu awangramna.
Pile mittam aganna, Krong dudumako sol'ana,
Mongri birioniko, Sampe a'dingoniko repaana.
Biria Mongri ina, Bolara Sampe ina,
Nokkol mande bakrime, sala ina Sadingga.
Mande matcha brine, sala ina ukoan,
Gitel nokkol ku'monge, sol'a ina unoan.
Chekreng dareoniko, Jambal Mitdeoniko sol'a,
Te'gitdu awangramna, salbarana umangsa.
Mande Killi Rangrina, salo mesal song'ana,
Matcha mutmetnara, Anomako ona'na,
Uno dongmitingoan, Anomako cha'ana.
Ino romittingoan, ja'gengwangwang roana,
A'na sakna kengija, jajrenggija dongana.
Ma'gipako Dere-chere, minga ina Sadingga.
Pagipako Jongat-Tojong, de'a ina jojonga.
Chratangko mingana, Jingam-Mantang,
Depanteko mingana, Kuri-Najang.




PHOTO: 17-4-90

ILDEK [CHIBIMA ARO AURAM (BADAKA)

Aje aro gilje abisa ia Ildek chini dareo gana an'sre gri auronga ine agana. Iarang aganritingmangmangaiasanma ba kakket ong'ama darangba tik u'ina man'ja Indiba, Badaka songni me'apa saksa, agana, chong'mot aro kakket ong'ako u'ina skode April jani 16th tarik pringo (Bihu-ni somoi), pring-walni miksugija re bae time nide da'onaba Mitde me'chikr-rangni gana an'sre gri auako nikna man'enga ine agana.

Ildek chibima a'jol gimikan Mitde manderangni roram biaprara ong'a. Ia biaprang namen mitde raka aro ramram re'na dona man'ja. A'jongrang Ildek chiko Deo-silla (Chi Mitde) ineba minga A'jongrang Ildek chiona dobae, Na'ka chikong sepangjolo aro ia warioba pangnan manironga aro Mitde Kritronga.

Ia Waritindik dagipa aro Dare-o, Aje aro Gilje abisa pangnan gana an'sre gri auronga ine agana.

MESOKANI - XI

A'song Te'matchikoan, nikwatangjok bisongde,
 Chiga Ponggrokoan, re'anggenne umangde.
 Asro wa'kantako, bon'anggenne bisongde,
 Wa'kanta balikrako, talanggenne umangde.
 Uko badeangmano, uko speangmano chigako.
 Reanggenne bisongde. Anang Adil kangko.

- Aje : Ada rong'gatakonchim, a'song a'bimanduo,
 Mama nisoakonchim, chiga a'song kualo.
- Gilje : Re'angjokma adara, a'song Te'match'ona.
 Katsojokma mamara, chiga ponggroona.
 Ia jakasichia, abi ma'a a'biding?
 Mikkim rongbatgipara, badiani chibiding?
- Aje : Nono u'ikujama, a'song Suundisake,
 Na'de kinaku'jama, chiga jengjenggisane.
 Medi a'awesake, Rong'bang chidimmitsake,
 Kinajama nonode, rongtaljama Giljede.
 Suundi nokgil on'e, roa ina Totmari.
 Papi'a chikong kite, songdongana Kingmari.
 Totmari Kingmarini, a'song ina uade,
 Meseki Majanpani, chiding ina uchide.
- Gilje : Uno songdongchenga'on, uno a'chachenga'on,
 Totmaria mingama, Kingmaria de'ama?
- Aje : Nono u'ikui'ama, na'ade kinaku'jama,
 Anga aganatnane, name kinatimbone na'a.
- Radingga : Uan a'song Asro, uan chiga wa'kanta,
 Jojong knatimbone, anga aganatpana.
- Sadingga : Katta maia dakana, minga A'srokoara?
 Chong'mot a'sel maiana, minga ada ukoa?
- Radingga : Wa'kantako pangsako, ge'a ina uanon,
 Kilbolmako bolsako, dapa ina ianon.
- Sadingga : Biming mai minggipa, ge'a ina ukoa?
 Chatchi badi de'gipa, dapa ina unoa?
- Radingga : A'ning Gring Tangjangsa, ge'a ina ukoa.
 Chining abong Te'sangsa, dapanake unoa.
 A'ning mitapchiniko, Bikot me'a ra'ea,
 Chining srangchiniko, Bengot pante de'bara.
 Te'matchiko pangsako, ge'anane jojongne,
 Kilbolmako bolsako, dapa ina unone.

MESOKANI - XII

Kilbolmani kattako, bon'anggenne umangde,
 Wa'kantani pangsani, chaako agangene uade.
 Kilkra kilteteko, pe'ako agangenne,
 Kilbone Kiljaneko, den'ako janapgenne.

Aje : Silchi mikkang nikuja, dare bimang man'kuja,
 Silchi akkarualenga, dare me'gimuaienga.
 Maari du'dokrao, aro suedil manggirako.
 Rong'ma dareng dakachi, pe'anamo Giljemo ?
 Uko nikdikgipara, ai gipok me'ana,
 Uko nikpagipara, A'ki changtok pantena.
 Sio rongdik dondilna, angko kawa kabora.
 Ta'ma noksik pakdilna, angko jora ra'bora.
 Uko jora ra'osa, uko kawa kimosa.
 Maari du'dokrako, tinruraana unosa.

Sadingga : Kilkra kiltetea, dal'anama adara ?
 Kilbone kiljanea, nanganama uara ?

Radingga : Maina dal'jaalgne, kilkra kiltetea,
 Nangen bite ga'ake, bokboka balbalara.
 Kilni biming Kilrere, minga ina ukoa,
 Kiltaki Kilbone ine, de'a ina ukoa.
 Kiltaki Kiljaneba, pil'e minga ina,
 Bokboka balballaba, de'sing de'gama.

Sadingga : Biming maia minggipa, man'a ina ukoa,
 Chatchi badi de'gipa, aka ina Radingga.

Radingga : Pinna ino gipgipa, Gongasa Raksampasa,
 De'o salna sokgipa, Turisa mamasasa.
 Mama ja'ku rikenba, Tapua minjotako,
 Nika ina uasa, Kilbone Kiljaneko.
 Matgriksa mangsasa, Matma matdambe gita,
 Nika ina uasa, ja'te dingrarugita.
 Achakja mattija ine, minga ina bimingde,
 Matgrik bijare ineba, de'a ina ukode.

Gilje : Game cha'kamengama, Ai gipok me'ara
 Rike dongkamengama, A'ki changtok pantea ?

Aje : Bano game cha'gende, re'a a'ning mitapchi,
 Bano rike tugende, sia a'ning srangchi.

Gilje : Cha'chatma Mongjinmana, re'anamo abimo,
 Agru dongkreng chigana, biara roanamo ?

Ma'gipako mingana, Misalli Singsali,
Segipako de'ana, Ai Gipok-A'ki changtok.

Aje : Una inban re'ange, sia ina nonoa,
Sillang silchi sikchange, man'jahana re'bana.
Chengon aganangana, pak patiangana,
Gongjapangoniko am'bo, ine aganangana.
A'song Salaramchiko, jri berokaoniko,
Totmari kingmarisa, man'a ina uako.
Jri berokaoniko, kondila'o kebite,
Pakram ja'o kengana, dokra bi sao ra'bite.
Unon Misi me'apa, a'ako wenbaengana,
Unon Saljong budepa, chiko kon'baengana.
Kondila'o keako, Totmari cha'chat so'on,
Misi miko nangana, Kingmari so'dimaton.
Unon ka'mitchaenba, unon tonam nikenba,
Misi patiangana, Meseki Majampana.
A'chik pagitchamrangde, game cha'giparangde,
Cha'chat so'dimakana, da'onaking umangde.
Totmar. kingmarisa, chatchi dake donkamjok.
Meseki majampako, biming dake mingkamjok.
Suedil nanggirako, rong'ma dareng dakachi,
Ine chatchi de'ana, totanasa Totmari.

MESOKANI - XIII

Achi Aje Giljeba, sirapnaka sirapja,
Rikbaenga bisongde, niksonaka niksoja.
A'song Fe match.oan, sirapgenne changsade,
Chiga Pongrooan, man'egenne pil'sade.
A'songanti golpoc, re'angenga umangde,
Chigaanti rongtale, robaenga Gijjede.

Radingga : Ja'pang re wilsokgija, dal a ina Kilbolma,
Chua ina uade, rike do'bilbatgija.

Sadingga : Basik bilsu supe'e, be'atjokai uara,
Maia dake pe'enba, wilatjokai Gongara ?

Radingga : Bilsu sni wang'enba, be'atana jojonga,
Kari sni supe'e, wilatana Sadingga.
A'song Salaramchiko, silchi dikritgipako,
Rimeana Me'gamko, rua wagatgipako.

Sadingga : Me'gam mai minggipa, rua wagatchengasai ?
Dikgil badi de'gipa, atte de'bachengabai ?

Radingga : Badak budepakosa, rimeana jojong,
 Jodak me'apakosa, man'barana bisonga.
 Gongga Terepasa, atte de'barana,
 Gongsa Raksampasa, rua wagatbarana.
 Gongana raksampana, Atte, de'baranasana,
 Badakni Budepani, a'tip rikchenganasa.
 Songni Biming Badaka, ine mingkamjolana,
 A'chik pagitchamranga, biming donkamjolana.

MESOKANI - XIV

- A'chik pagitchamrangni, game cha'chenggipani,
 Itihassa iade, Miko man'chenggipani.
 Meminram Mitangramo, rong'gatgne umangde,
 A'song a'bimanduo, nisogenne bisongde.
 Saria Puriako, nikwatangjok pangsangsang,
 Dimua pangsiako, niwatangjok gongriting.
- Aje : Oh ! dada Radingga, Gongba sona doknama,
 Walming Salming ja'riko, changsa nipilajokma ?
- Radingga : Oh ! jojong Sadingga, nonno dari takrakde,
 Sirapnakjok an'chingko, ku'rang kinasojokne.
- Aje : Na.song Gongba sonako, doknakode angone,
 Ku'rang kinanakode, chinga dokatainane.
 Gong gegong bil'ikgong, Apajongni wa'gechong,
 Adako Radinggako, rongna anga man'ode goserong.
- Sadingga : Nono sirapnakjokai, niwatsona rong'gatna,
 Ku'rang kinasoenga, ada nisopa'bora.
 Aiwakaiwa nonoa, Gongba mesokatenga,
 Hai jojong ta'arakbo, sirapnasiengaha.
- Aje : Nono niatpa'bora, Radingga, Sadinggade,
 Da'osa re'angtaienga, uamang adasade.
- Gilje : Indi ja'rikbaoba, ka'sajama an'chingna,
 Buring bolgrim diltua, kenchakjama umanga ?
- Radingga : Oh ! jojong Sadingga, na'ara bako re'naka ?
- Sadingga : Ada nang'ni re'akon, ang'ba re'paainaka.
- Radingga : Wal'angja chidorengko, niwatesa re'gine,
 Re'suche kalaweko, nikwatesa roginne.
 Asro a'bri wa'kanta, an'ching re'na nanggine,
 Te'matchi pongroko, jojong batna nanggine.

Sadingga : A'song Wal'angjako, maina mancha mingaba,
 Chiga Chidorengara, katta maia dongaba ?

Radingga : A'song Wal'angjandie, namja jojong kattade,
 Chiga Chidorengnde, mingnampaja inane.
 Jojong knatimbone, anga nang'na talatna,
 Katta maia chong-motchim, jojong nang'na talatna.
 Ku'kengnane jojongne, Wal'angja Chidorengde,
 Maming mingsa donmaja, Cha'aiana uade.
 Anang depantekoba, Dilkang ba'gipakoba,
 Wal'ang cha'minokana, Duran chawarekoba.
 A'song Dimbilbirina, anti Palwang a'dingna,
 Girongana uamang, golpoana atmana.
 Ruut tingdilbangbangba, Rebang bandikjangjangba,
 Grongaha atma'o, Bokring Balling panteba.
 Angna mikchapa'rama, na'ara namnikpa'ama,
 An'ching do'ra do'sina, umang wal'manchiaha.
 Sara a'timboriko, re'paknabe inachim,
 Sone bakjaruruko, ropaknabe beng'achim.
 Ruut tingdilbangbangba, a'kongkongko re'babo,
 Agane mol'molaha, a'rimrimko dobabo.
 Ruut Rebang manchijok, songrepana Durachi,
 Da'nang Balling panteba, jora kusi ong'pana.
 Okbong Jada panteba, boning bachi re'asa injok,
 Wakki Waknel panteba, mosa maiko a'mnaka sing'jok.
 Dikdik neng takpa'kubo, umang mol'molpaaha,
 On't asongangkubo, te'sa cheka ringangbo beng'aha.
 Bokring Bulling pante-ba, chanchiaha gisiko,
 Dikdik asongpa'kuna, ku'mongaha jiktangko.
 Achak karang cha'ako, mangsa so'e on'atjok,
 Chua menil bitchiko, diksa cheke kanatjok.
 Ka'sirako otrikjok, da'nang Balling panteko,
 Bibangsiko cha'rikjok, Bokring Bulling me'ako.
 Indake cha'rikaha, Wal'angja Chidorengde,
 Durani a'rikgimin, nokkolrangsa umangde.
 Pringo an'chi jekjeksa, cha'a ina Wal'angja,
 Attamo ba'en bineknek, nalana Chidorengsa.
 Durani sa'grechim ina, skangode uara,
 Do'o mikte ong'ako, donmanjana a'rika.
 Una brangba'esa, sokbaa ina ukoa,
 Gipin a'song nokchakjae, songdongana unoa.

Sadingga : Hai dada re'tainok, jawan a'song chigana,
Birangtaie nitainok, dingtaig a'bidingona.

Radingga : Jojong an'ching¹re'nane, Mareng Adil sikramna,
Bobil nichaksoenba, Adil sikram chigana.



PHOTO 27-4-90

RONG-GATRAM (KONCHIKKOL)

Radingga aro Sadingga adasa, Aje aro Gaje abisako rong'gate
nisoaha. Ia rong'gatgipa biap Tilsa A'brio donga.

Ia Tilsa a'br: Konchikko songni saliramchupak donga.
Radingga aro Sadingga. an'tangtangni nogipa namchiktang-
rangni rikbaa sokbaon, ia biaponi jite katangtaaha.

MESOKANI : XV

Uko badeangode, Sokohuan Meruanko.
Re'anggenne bisongde, Anang A'dil kangko.
Abetni nappakramkon. re'anggenne umangde
Misinisonggitchamko. doanggenne bisongde.
Dama boltong dotsako. re'pakanggen bisongde.
Rong'chi spong chiringko, ga'batanggen re'ange.
Kosako rong'chi spong denga inc agana.
Ka'mao Na'ka chikong na'ka bang'a intoka.
Wa'ramjako niwate. re'anggene bisongde,
Rong'jangkeko niwate. roanggenne umangde.

Radingga : Wang'aio be'jana. Misi kupatiana.
Pe aio wiljana. Saljong kuraronana.
Kambe sikmilchinara Balwako be a kajok.
Ja'pang tinwilwilchina. kinmako ginal kajok
Am bengma Gilsengmachi. be'angana jojonga.
Gitchuma rebalmachi, wilangana uara.
Rikangiokna Gongade, Kilbolmani be'ako.
Pil'jok tingka su'ako nike. am'bengma Gisilmako.
Kupatie donba'ok. Gongga ma'nok cha'e.
Ganna re'king ganbone, matchu jengo gathbone ine.
Uko ja'ku rikangon, srek riksoengiokna.
Uko jama sanangon, ake donsoengiokna.

Sadingga : Gongaba Raksampaba. rikangama kilkora ?
Mamasa sakgitaman, sokangama unona ?

Radingga : Sokangen Am'bengo. ma'nok cha'e roea.
Re'angen Gongaba. no'ipako galbara.
Misi kupatiana. Saljong ku'sikiaba.
Sillang silchi siknakjok. a'an rai konakjok.
A an napnakgipara napbojok.
Chio bamnakgipara bambojok.
Sako bilnakgipara bilbone injok.
Chini bisil kanakao, a'an mangsil kanakao ku'pejok.
Ma'an a'songtangona. katangjok Gongga Raksampade,
Antang namchiktangkode Miksim Banggakode,
Sabisi sakanchi man'ana. galangiok.
Jo'ong guk cha'ana. wate donangjok.
Re'angnasiahaon, Gongga kupatiangjok unan,
Noti kam ka'bone, ja'ping pal atbone ianoni.
Sokme dokan atbone, chasong dongrikbojokne,

Rua Ildangmachi, Kena Illingpachi galbajok ukode.
 A'jong Kachiriranga, kering bolko rikana,
 A'ako a'ba cha'jaoba, bolchu bolko sol'ana.
 Anti dimrimbri, Baminko manchlate,
 Re'angaha Gongaba, Sojonko wal'du kae.
 Kilko jako man'esa, a'ga a'ba cha'ana,
 Baminja Sojonjara, namen kusi' ong'jokna.
 Unonko man'esa, gando ki'pi' potana.
 A'chik pagitchamranga, kotip ja'te chinana.
 Hai 'ojong retainok, a'song do'chi so'ramna,
 An'ching re'ta'aignok, Anang wa'ko anramna.

- Aje : Ian a'song Anang'ok, kinajokma nonoa,
 Uan chiga Adilkang, rongtaljokma Giljea.
- Gilje : A'song Anangkoara, abi maina mingaba ?
 Chiga Adilkanjkoa, maina mancha de'ana ?
- Aje : Anangpani kattade, donga adi gitade
 Dilkangpani a'bade, bang'anakan bewalde,
 Jikgiteko sekani, Mokpa Dimpasa,
 Katbarana nonoa, kajama Giljea.
- Sadingga : A'song Do'chi so'ramko, ada maina mingaba,
 Chiga wa'ramjako, sawa wa'ko anaba ?
- Radingga : Songdongpana inenba, wa'ko ko'sa anana,
 A'chapana inenba, Do'chi rongsa so'ana.
- Sadingga : Skang bano songdonga, songgitalko am'bara,
 Bano a'chaba'esa, a'gitalko sandibaa .
- Radingga : Anangpa Dilkangpade, songdongana ianon,
 Rechupa Re'balpade, a'charana chengonin.
- Sadingga : Biming maia mingaba, Anangpa Dilkangpako,
 Chatchi maia de'ana, Re'chuma Re'balpako.?
- Radingga : Anangpako mingana, Gring Jengja de'ana,
 Dilkangpako de'singa, Patta Baja mingana.
 Pil'e Tere Anangpa, meaparang agana,
 Uan Eri Dilkangpa, biming minge rotoka
 Gabil mejolgirio, songdong a'chamtittingon,
 Ruma aro Mokpa, noksul rorimpaachim.
 Apsan dongrimmittingo, ki'sang ilningjaana,
 Una kiratcha'eming, brangbaana Anangpa.
- Sadingga : Saming a'sel ong'esa, birangbajok Anangpa,
 Segipa namnikja'e, rikgalatjok Anangko ?

- Radingga** : Noksul dongrimpanara umang namnikpa jajok.
Mikgil kiratcha'eming. Anangpa brangbajok..
Mokpani jikgite sokme sokkurmana,
Dimpan jikchong mote, ja'ping sapojangiangna
Uni til'ekgipako. Sokak biming mingana,
Anang mikchagipako. Pebok ine de'ana.
- Sadingga** : Sokme se'etania, daiko gambapa'rama,
Til'ek an'chaania, gro on'baparama ?
- Radingga** : Gere rejak gambara, sokme se'etania,
Rema olbak on'bara, an'tang til'ekania.
Uni salsa salgni ong'o, ja'man jasa jagni soko,
Chiga anti bawile, Anang nokap niejok gitalko.
A'songanti wilwile, Dilkang Chiga wenangiok,
Am'roroe sokbajok. Anang nokap man'ejok.
- Radingga** : Anangpa wa'ko ana, wa'ramjara mingana,
Dilkangpa Do'chi so'ana, do'chi so'ram de'ana.
A'song songbirangana, songdongpana am'ana,
Chiga a'birangana, a'chapa'na am'ana.
- Sadingga** : Dai nangpaenggenma, gamna inaienggnokma ?
Jik ra'seka inara, a'ra'sekajokona.
- Radingga** : Gantiko kakchengko, gambarana jojonga,
Jong'gilwengko Jasengko, on'barana uara.
Rema Repin gambara. ina uko jojongne,
Giri Repin gimikko, bon'barana uade.
Ian a'song wa'ramja. ina nake Sadingga,
Uan chiga rong jangke, de'a ina ukoa.
- Sadingga** : Ukon Kram galonram, minganama adara ?
Ukon dachi dingonram, de'anama umanga ?
Bachi maina re'enba, kram kamit tingaba ?
Saming maiko am'enba, dachi doktengtengaba ?
- Radingga** : Aman Susimmemani, sio bol den'peasana,
Katbarana boloan, rikbatoka ukoan,
Bolchu Ranggo ja changchang, katakon rikana,
Mandal chido gingganggang re'ako am'a ina.
A'me nio man'jana, Misi Saljong rurachangana,
Man'a kennenban',do'gisikchangatana
wala sengchangatana.



PHOTO 19-4-90

SOKCHUAN MERUAN (BADAKA)

A·bri a·kong tangsekgilgil nitoriri dake, salgi aram banpake A·chik a·songko mikkim chaatgipa a·briko, 'Sokchuan Meruan' a·bri minga. Ia a·bri sillang dare, rong·bare daka. Skangni chasongo Mitde mande Abet-Rangge a·gilsakko chi dubiani somoio chake jokaha ine A·chik me·aparang agana.

Sokchuan Meruan a·bri Ildek chibimani, Na·ka chikong aro Anang Wari-rangni salaramchipak donga. Sokchuan Meruan a·briko chengo mengonin Mitde mande songdong a·charam biap ong·ani gimin mingsinga. A·brini patalona doange niwatatode songdu chibimani kosako guuri mitmat mitmat dake dinako bokdim dake nikata.

A·bri a·kong gimikan ka·sina aro sam bolrang aditan dongengkuani gimin buringni jonturangkoba nikna man·engkua Attam salniangjokode; a·brini ka·singipa bakrango rona jajrengani aro kenani gisikrangba bik nabaa. Iandakgipa biaprangsa bebe da·nang Mitde-rangni songdongram a·song chiga ong·na krabebea.

MESOKANI - XVI

Uko ja'ku rikesa Salgrasa Songdurasa,
Dachi doktengtengana, chratang depantesa.
Ukon kram galonram ine biming donkamaijok,
Ukon dachi dingonram, ine mingkamaijok.
A'jong Kacharirangko, nikwatang,jok umangde,
Rabha dandialchina, ronakengjok bisongde.
Gue moja ja'chonggang, ge'gipako re'anggan,
Aha raja gitokteng, jilgipako napanggan.
Mina a'aliako, gongding, gongding nikangen,
Na'na cholasiako, korek korek man'anggan.

- Aje : Aiwan Misin songgitcham, nono kinaku'jaengwa,
Uan Abet na'pakram, na'de rongtalku'jaengwa ?
- Gilje : Misin brin bawea, roanama unoa ?
Saljong Sopin soean, songdongama inoa ?
- Aje : Ian Abetni jamdap, pine dongram inake,
Iano songdongmitingon, Abet na'gil kaake.
Uno a'chamitingon, Rangge Gilnok donana,
Asok sao napjana, goe galatsrangana.
Misin sone kepramba, inonnane nonone,
Saljong jang'ke teng'ramba, donga sokchuanode.
- Gilje : Dama boltong dotsako, abi saming galanga ?
Dachi ko'rang ko'sako, sawa jako ra'anga ?
- Aje : Dama boltong dotsade, Jugiro dal'gipasa,
Galangana ukode, Chongdingpa rakgipasa.
Mangon Mangseng'ona, keangachim damako,
Soksrapgijan walsengjok, do'o gisikchangatjok.
- Gilje : Bachi maina kebaesa, gala dama boltongko ?
Mai dakna raesa, Ranga dachi ko'sako ?
- Aje : Ama Susinemako mangonna,dama boltong ra'ana,
Bitchi Sangkildomako mangsengna, ko'sa dachi keana.
Jugiko wal'manchia, a'song Benagongona,
Nawangko wal'du kai, chiga Budalongona.
Dama dading ku'ja, inana galangana.
Bangsi tororikuja, inana watangana
- Gilje : Dama dalingja'ode, bangsi tororijaode,
Maiko doke dam'esa, chrokaba umangde.

- Aje : Dachi me'gajakkosa, kram daduakosa.
 Ra'gabachengengana, ra'dobachengengana.
 Wa'se ko'ma dokesa, mangon mangsengtokana,
 Andanina moesa, mangsengtokuengana.
- Radngga : A'an a'bri sokchuan, knajokma jojong a ?
 Chiga a'chu meruan, rongtaljokma Sadingga ?
- Sadingga : A'song Meruankoa, dada maina mingaba,
 Chiga Sokchuankoa, mama maina de'aba ?
- Radingga : A'song Sokchuannide, donga katta jojongne,
 Chiga Meruannide, katta dal'a inane.
 A'ning a'sak dinga'o, Misi - Saljong toa'o,
 Mitdeba kenjagokjok, ma'manti to'tro ong'ao.
 A'biba dimak dimak, guuri mitmat mitmat dinbao,
 Dinbaa ina a'gimik, Sokchuan Meruano.
 Abet ku'krekrakba, unon songdongpa'achim,
 Rangge wagam gitcakba, unon a'chaparachim.
 Uno songdongmittingon, ino a'chamittingon ina,
 Abet kenjagokjokna, Rangge jagipujokna.
 Abet to'tro ong'taie, Rangge jagiputaie kenjok
 Dea mikkang nikpajok, morape jokuakjok.
 Abet morape'on, Rangge jokuakjok ina,
 Sillang pitpitbaana, Pattang me'me'baana.
 A'ni Bapme gakbara, 'bri Huro tingbara,
 Guuri mitmat dinbara, a'biba dimak tang'bara.
 A'sel ong'tainakana, minni mijao ong'angjok
 Abet kenjagoktaijok, Rangge to'tro ong'taijok.
 Una kenjagokenba, Abet bile kattana,
 Sokchuan Meruanoni, A'matta a'brina soka.
 Guuri dindin dinbaana, Abet chi jroana,
 Janggi jokna inenba, Rangge ga'bilbatana.
 Rangge ga'bilbatenba, chijatchio ondijok,
 Abet chiko jroange, jatchiona sokaijok.
 Sokchuan Meruanoni, bile nio sokjana.
 Sokchuanne mingana, Meruane de'ana.
 Chijatchio sripenba, Abet janggi galpajok.
 Unonisa da'oba, ua bimang dongjajok.
 Atchu ambin chasongo, Abet mande ong'paachim.
 Mikkangchong'chong dongrime, game cha'angpara-
 chim.
 Abet Rangge janggisa, chiring chibisikna,
 Songdong a'chap'enba, mikkim rongatpa'enga.

- Radingga** : Kimkimma Kokamani, kiltema tapoani,
Guuri dindin dinana, Abet jagipuana.
A'song Meruanoni. chiga Sokchuanoni,
Guuri changsimeako, Abet jroana chi.
- Sadingja** : Skang to'tro ong'gimin, dongakonmo adamo?
Abet kenjagokgimin, bangahakon skango ?
- Radingga** : Guuri dindin dingimin, changsajokne jojongne,
Mikka simdim simgimin, pil'sajokne unde.
Kesunidingan salo, Kebongni toan salrang,
A'chi a'ning dederang, uchin Misin sa'derang.
Uno kebobilani somoio, uno kimma bilana,
Guuri mitmat mitmate, a'biba dimba dimba.
Minni changsa'o gita, mija pil'sao gita,
A'bikpil chibawile, joktainaka inana.
Una to'tro ong'esa, a'song a'mata'ona,
Jrobate katanga, chiga rong'bareona.
A'song Sokchuanoni, bile kata sokjana.
Chiga Meruanoni, jrobato man'jana.
Sokchuan Meruano, Abet kongkantee jokana,
Guuri dindin dinenba, uno ga'akonana.
- Sadingga** : Abet mandirangara, da'o bano songdonga ?
Rangge ma dirangara, da'o bano a'chara ?
- Radingga** : Banoni songdongkam'genne, janggi sijok Abetde,
Banoni a'chakam'genne, jama bon'jok Ranggede.
A'song Sokchuanoan, chokonman'e sijokna,
Chiga Meruanoan, ga'akone bon'manjok.
Mitam me'aparang ina, A'song Meruankoan.
Abet ga'ake siram ina, chiga Sokchuankoan.
Pil'e ia a'songkon, a'song mingnamgijaba minga,
Ia chini b.dingkon, chiga chinamgijaba de'a.
A'song chinamgija'o, chokondime simanjok.
Chiga rong solbrao, ong'sruc bon manjok.
Manggreng mangjatengkosa, skotong ginggropkosa,
Beng brek chiok pil'ana, Gangga ripu pil'ana.
Uanoni intalsa chibisiko songdonga, rong'grimo roa,
Abet Rangge mingana, A'chik pagitchamrangara.
- Aje** : Kosako dama boltong, dotsanane nonone,
Ka'mao wakma gingtong, Goerani galane.
Jatchio rong'chi spong, dongpaengpiti dotsake,
Ka'mao na'ka chikong, keju jambat dongake.
Na'ka chikong damsani, Rikchi pillang rongsana,
Bolsal dagal dongana, Keju Jambal toana ukoa.




PHOTO 26-4-90

ARATCHA RONG-BARE (CHOTCHOLJA)

Aratcha Rong-bare Chotcholja songni Salaramchipak donga. Aje aro Gilje abisa, Radingga aro Sadingga adasako rikangon ia rong bare gita rikbaaha. Aratcha rong bareoni ong'one uamang Dage Amjonga gita re'baha.

Radingga aro Sadingga adasa, jensalo nogipa namchik-tangoni jokna kitbaon. Aratcha Rong-bareo Gando makkal palako grongaha ine agana. Ia a'bri sillang dare, rong-brak ong'ani gimin sam bolrang namdake dal'na man'ja. Aratcha rong bareko A'chikrang. "DA-DARERAM DA-DARERAM' ineba minga. Konchikkol songni Pa Bitchon Momin-ni aganani gita, Aje aro Gilje abisa namatang Radingga aro Sadinggako uchi rike nioba man'ja, uchi rike noba strapja dakani gimin ia 'Da-Dareram Da Dareram' minggipa biapon bilone siaha ine agana. Indiba, sija uamang Dage Amjonga gita re'angkua.

Aje aro Gilje abisani Tilsa a'brio songdongmitingo Radingga aro Sadingga adasa Aratcha Rong-bareo sondongska. Aratcha rong-bareo songdongmitingo, Radingga aro Sadingga adasa,

bilsi sni kari snina ohi dongjaani gimln chiring jokchina silsokchi so'pruhaoba chi najaha. Unasa, aiao ! ia a'ade namen rit-chaake, bilsi sni kari snina so'prue nioba chi jokja ine unoni intalsa, "Aratcha rongbare" ine bimingko mingbaha.

Bilsi sni kari snina silsokchi so'pruani ja'mano ia a'brio kaksi beri dake chi chimik jokna a'bachengaha. Ua kaksi beri dake joggipa chimik dongani gimln A'chikrang, "KAKSI BERI JOKRAM" ineba ia a'briko minga

Pil'e mittam A'chikrang ia Aratcha rongbare a'briko "DARI-DARERAM KAKSI BERI JOKRAM" ineba minga.



PHOTO-26-4-90

**AJE ARO GILJE-NI RORAM BIAP (TILSI A'BRI)
(KONCHIKKOL)**

Aje aro Gilje abisani rochakram biap Tilsi a'brio donga. Aje aro Gilje abisan roram biap samtangtongon Ta'a aro Ta'matchi mande ge'gipa namen bang'e chaa. Ua ta'matchirangko cho'na skang bi'e cho'ode kera gapen man'a indiba bi'e cho-jaode dotsaba man'ja ine Konchikkol songni manderang agana.

Ia buring jatchio, je hiapon darangba songdonga dongja aro a'barangba cha-a dongja indiba Ta'a aro Ta'matchi, mande-rangko man'a ama. Uni gimn changsao ia biapo saoba songdongna nanga ine sakiko on'a.

Ia rong'brak, rong'grim aro sillang dare daka. Skang ro'ongni chasongosa songdongna nanga aro kraa. Aje aro Gilje abisani chudape chane galanggipa ro'ong, mi ram-chakgipa ro'ongni am, Do'nol aro Waknol pilak biaprangan ia biapo dongenga, jean ro'ongrara.

MESOKANI - XVII

Koasi Mindiriko, re'anggenne bisongde,
Amiri mikgitilko, napanggenne umangde.
Uko badeangdoc, uko speangode,
Kachariko niwate, do'panggalko napake.
Benagong Budarlong, re'anggenne umangde,
Kagira Malasako, sokangpa'gen bisongde.
Dage Amjongako, re'anggenne Radingga,
Rongchi Patparako, roanggenne Sadingga.
A'song Rong'chok gitoko, napanggenne umangde.
Chiga Kalpet bisikko, roanggenne bisongde.

Radingga : Re'e nina jojongmo, a'song Koasi gita,
Chiga Mindiri gita, napaknamo jojongmo ?

Sadingga : A'song koasikoa, maina mancha mingaba ?
Chiga Mindirakoa, maina chasong de'aba ?

Radingga : Jojong u'ikujama, da'oba kinaku'jama,
Name knatimbone, anga nang'na talatna.
Ia A'song chiga'on, songdongtoka inake.
Koasi-Mindira, Durama-Imbama,
aro Aratcha-Rong'bare.
Achak mangsa jilana, Durama-Imbama,
Minga uni Achakko, Ja'banda-Ja'tongrak.
Uni Achak donmanja, Wak pe'gital do'pe'gital ina,
Una a'rikatana, a'song Rong dobrachina.
Dongrikgipa abisa, ja'man gisegrikjokna,
Apsan dongna man'ja'e, dingtang cha'toktaijokna.
Songdong a'charikaha, Koasi-Mindira saksan,
Songdong a'charikenba, nokpante jamsirengjok unoan.

Sadingga : An'sengjokmo adamo, A'jong Kacharirara,
Nikwatamo inchide, Rori dandialkosa.

Radingga : Maina an'sengjagine, aha Raja gitokteng.
 Ge'a jojong inode, gue moja ja'chonggang.
 Ta'milangna a'ali, kaa ina Inchide,
 Merakkuna matchu kii, on'e ge'a umangde.
 Niwatnara maralli, gata jojong rorirang,
 Ge'a rikgam samtangtang.donga chiring chisamrang.
 Maina an'sengjagine, sara dim'penggipachek,
 Manderangba pilakan, ganna chong-do ganachek.
 Nokantion nikanggen, Achak ki-me gol-likeng.
 A'pal hal gamako, Matchu ki-me gol-ikeng.
 Nakiras man'gipa, Zamindari cha'gipa,
 A'chik A'jong dongbrine, Rori dandialrangba.

Sadingga : Budalong Benagongna, sokanjokmo Radingga, ?
 Kagira Malasana, nanakjokmo an'chingba ?

Aje : Benagong Budalongo, sengsopa'bo adara,
 Kagira Malasa'o, nisopa'bo mamara.

Gilje : A'song Budalongkoa, maina mancha mingaha,
 Chiga Benagongkoa, maina mancha de'aba.

Aje : Nono knatimbone, anga nang'na agana,
 A'sel maia chong'motchim nang'na anga talatna.
 Minni mande gitchamrang, game cha'chenggiparang.
 Pesuma Pakkalmako inon, mangon mangsengpa'rana
 umang.

Jugiko wal'manchie, mangonana ianon,
 Nawangko aganate, mangsengana uanon.
 Mitde mande nangrimc, Katchi Rangsi rorime,
 Mangonna am'achimna, chu'sokjajok inake.

Gilje : Katchi Rangsi na'nosa, Mitde mande, abisa uno,
 Kore dokgrikenggenmo, Direng soltokenggenmo ?

Aje : Bano Kore dokgende, bano direng solpana,
 Dama dading dokkuja, bangsi jako ra'kuja.
 Ino mangon mangsengna, song'a ina chukoa,
 Kamko matchotatpana, ama'chimna umanga.
 Jentisni te'gni, chuko song'paranchimna,
 Uko ringe nioa, ong'manjana Jugina.

Gilje : Song'a gura chonakon, merong mechu dongjakon,
 Cha'na ringna dongjakon, da'nang chu'ongpajakon.

Aje : Maina dongjaalgine, cha'na ringna dongpara,
 Chua song'a te'gni, jentisni chakpara.
 Jugiko wal'manchiatana, songa noka skangan,

- Re·bapajok mangtuna, mangon mangsenga'onan,
 Chuko ringe nioa, okajana Jugide,
 Ste kitde cha'esa on'ti pekrimmilate.
 Bimang dal'ming dal'ming, cha'o ringo napana.
 Jugi ong'ming ong'ming, cha'nabani nalana.
- Radingga : Nono dari takrakde. manengatengakonke.
 Namchik mibisimmakde, sengsopa'bo inake.
 Dage Amjongana, re·nok jojong an'chingba,
 Gong'a dipet bethete, rotokchina umangba.
- Sadingga : Aiwa "nikatgipara, dada maia a'biding ?
 Abri mikkim rongake, badiani chigaming ?
- Radingga : U'ijama jojongde, a'song Rong'chok gittoko.
 Rongtaljama na·ade, chiga kalpet bisikko.
 Minni Asan me·ani, mija Garmang panteni ina,
 Bimbol dokgome ua, bimma jamnok mogome re'a.
- Sadingga : Bachi maina re·esa, bimma bimbol mogoma, ?
 Maina ka'o nangesa, kri meseng dokgoma ?
- Radingga : Mune tingdildilko, ja'an chinnek itato,
 Saneko bandildilko, kni gisi galato.
 Pingkrang chongmitchangana, ja'o siruwenana,
 Chipu chi Rongdotchia, jakko sipreman'ana.
 Uko nike Munima, tonggottong sinatana,
 Nang'ni Asan me·asa, pa'ak patiatana.
 Uko nike do'kapa, to'la Assan me·ana,
 Misi dongja ineming, bo'a garmang pantena.
 Uade Misin Sa'giri, nang'ni tongsotgipade,
 Uan Saljong Sakimbar, to'la da'nang uade.
 Asan me'a ka'tango, me·rakku tindambengana,
 Tol'a da'nang do'kapa, tuminna ringkongbakna.
- Sadingga : Tol'gipaan tolana, katbebejok adamo ?
 Bo'gipaan bo'ana. bebe ra'jok kattako.
 Janggitangna keneming, katangpajok uade,
 Jamatangna kenchake, re'angpa'jok tarake.
- Aje : An'sengjokmo nonomo, mina a'aliade,
 Chel'angjokma da'oara, Radingga adasade.
- Gilje : Maina chel'angjagline, Dage Amjongara,
 Sokangpajok adade, Rongchi Patparana.
 A'song Rongchok gitokna, sokangengnok adade,
 Chiga Kalpet bisikna, naangengnok mamade.
- Radingga : Nono dari takrakna, samsok goe rosona,
 Japing ku'chok nikchina, samchonggengko gonama?
 Ra jojong galbora, rong'gatte niwatsona,
 Niksoama niksoja, nisopa'bo Sadingga.

DAKMESOKANI-III

MESOKANI - I

- Aje, Gilje abisa, a'ako wenbabebeengjok,
Radingga adasaba, senggale katbebejok.
Salaramchi an'pile. niatenga Radingga,
Tuarani a'songko, nikatenga Sadingga.
Tuarani a'songde, nio mikkim rongake,
Nangapani chidingde, aram nangtingakonke.
- Gilje : A'song ruu mateko, nikwatamo abimo ?
Chiga rong'pakmareko, rongtalamo Ajemo ?
Tuarara unosa. songdongama abia ?
Nangapara unosa, a'charama skanga ?
- Aje : Gringrang a'song biapo, Tuara nokpanteana,
Rong jachangni chiga'o, ua jamsirengana.
Unon nokpanteana, unon jamsirengana,
Tuarako ba'ramna. Nangapako neng'ramna.
- Gilje : Tuarani ma'koa, biming maia mingaba ?
Chongmot Tuarakoa, badi ine de'aba ?
- Aje : TUARAni a'songde, Bolong Mitde Chigasa,
Nangapani chigade, chiga Rongsindilosa.
A'song Kamaka ina, Imhim-Jari a'songna,
Umang songdong a'chara, ia a'baku'osa.
Tuarako mingana, Timarangsini bimingna,
Tuarako Terea gipin biming donana.
Ma'gipako mingana, Amejara inenba,
Pagipako de'ana, Teria-Tenarara.
Pani biming chongmotde, Tenarara mingana,
Ma'ni biming chongmotde, Umejara de'ana,
Tuarako mingbara, Terea nonone,
Nangapako Okmara, donbara Giljene.
Ma'chongmotko mingana, Umejara mittumrang,
Pagipako de'ana, Tinatara manderang.
Uno nokpanteoa, uno jamsirengoa.
Jadel bolchabarana, kambe biribarana.
Umeja Kaltinara, a'song ruatmateo dongana,
Chiga rong'pakmario, chiringana uara.
Salaramchi nokrangra, on'e rikana,
Wa'ambongko chidare, sale ringana.
Silchi krokra bokori, krok sale roana,

Muga a'ding saporì chine, Tuarara a'chara.
 Wa'ambongko chidare, sale ringa uade,
 Salaramchi nokrangre, on'e rika inake
 Noka silchi gittingko, krok sale rikana,
 Muga gitting wa'rengo, gate rotokengana.
 Matchako Chokidar, done ua roana,
 Chipuko krok sale, noka rikpaana.
 Tuarani kattako, nono rongtalrikjokma ?
 Nangapani bidingko, da'ode kinapa'jokma ?

- Gilje** : Oh ! dada Radingga, a'song a'bimanduo,
 Dikdik nisopa'kubo, chiga a'song kualo.
 Gue akkaru gita, chinga den'angpa'nane,
 Pan ruanku' gita, mama ra'angpa'nane.
- Radingga** : Nono dari takrakde, sirapnakengjokkonne,
 A'song a'bimanduo, rong'gate nisonane.
- Sadingga** : Aiwa re'babebengjok, nono dari takrakde,
 Sirapnasibebeengjok, dari mibisimmakde.
- Radingga** : Ildek chini jorako, ong'onnamo jojongmo ?
 A'song Termatchikoan, an'ching re'na nanggenmo ?
 Hai ta'arak re'bora, bakbak ja'ku jitbora,
 Intang sirapegnaha, nikgijachi re'bora.
- Aje** : Hai nono re'bora, a'song salmichirina,
 Imbo Gilje rotainok, chiga Mesot a'dingna.
- Gilje** : Re'akode re'nokchim, ba'ra samte ma'baka,
- Aje** : Tem'dobora ja'teko, maina doka Gong sona.
- Sadingga** : Aiwa dada nisobo, Dage Amjongako.
 Re'baengjok umangde, Rongchi Patparako.
 Nisobora adara, ja'ping ku'chot nikjokai,
 Ba'ra samte ba'ana, ganna riking tem'jokai.
- Radingga** : Nono dari takrakde, dakbabebeengjokai,
 Ja'ping ku'chot nagale, aiwa re'baengjokai.
- Sadingga** : A'song Salmichiriko, ada maina mingaba,
 Chiga Mesot a'dingko, maina mancha de'aba ?
- Radingga** : Minni mande gitchamrang, game cha'chenggiparang,
 Kebobil kemapile ianon, gro a'jak dingarang.
 A'song Salmechrijok ian, Chiga Mesot a'dingjok uan.
 Da'on an'ching sokengjok, dingchakgipa biapna inon.

- Sadingga : Chima-Jambalgre-ni, kattako kinakurja,
Achi Dambo-Nong-bakni, kattako rongtalkurja.
- Radingga : Kinajama na'ara, Gabil Nong-bak kattako,
Rongtaljama na'ade, Chima-Jambalgreko ?
Game cha'chenggiparang, minni mande gitichamrang,
De dingdinga inake, Danal ma'bitchi ma'ang.
Seni anti re'ango, deko dingdingpa-rana,
Bobil den'a re'baon, janggi jokrikpa-rana.
Chima-Jambalgrena, Ribo ine chamana,
Gabil Nong-bak jolnara, Doro ine donana,
Sodi rongrokgrekoba, dorona ba'a ina.
Matchokgrena A-rongsrek, ine donatpa-rana,
Daranggrena A-kongkep, ine chamatpa-rana.
Mangsang a'songonara, Do'pit ine on'ana,
Dikgil jolchinara, Tikpit ine tikana.
A'song Rongjengonara. am pangdamko patia,
Chiga Rongduonara, Wakrapdamko ra'rona.

MESOKANI - II

A'song salaramchina, chiga mitdesakchina,
Bawillanga umangde, re'angenga bisongde ina.
Uko badeangmano, uko speangjoko soknok,
A'song rong'tottoree, chiga chameragunok.
Rong ma rimiltritritko, chiring chidorimitko,
Re'ru jakraronramko, ang'ke ma'su alramko.
Uko badeangode, uko speangode.
A'song an'cheng rachako man'e, chiga wari nokde nae.

- Aje : Kiltema jakruronge, dakangjokmo nonomo?
Bilsima chugironge, roangjokmo Giljemo ?
- Gilje : Biri me'gong baljokke, sipin ama minjokke,
Badi dukko man'engnok. an'ching Ama Apade.
- Aje : Rauma'o chigiri, dakaiengnokmo Amade,
Chu'dapsiko wal'giri, roaienggnokmo Apade ?
- Gilje : Dangkroko dandane, salniaiengnok Amade,
Noksiksamo jengkone, siaignok Apade.
Aman Apan ka'saoba, wate re'baman'aha.
Aldugipa dongjaoba, dukko man'aichinaha.
- Aje : Wate re'babebejok. mo nono an'chingba.
Apan, Aman bibol bitena, ka'pakjajok indinba.
Ama, Apa ka'saoba, maiko dakgen chingaba,

Mama Radingga adasa, Wate re·ba jokonna.
 Oh ! dada Radingga, chingko nipilku·bora,
 Gongba sona dokatna, changsa an·pilku·bora.

- Gilje : Simsang chibatnakenga, sengsobora Apari,
 Chingko rongtalsojaode, rong·gate nisobora.
- Radingga : Nono dari takrakde, aiwa re·bataiengjokne,
 Nikegenma nikjawa, anga nisopagenne.
- Sadingga : A·song a·totoreeo, rong·gatnamo adamo?
 Chiga chameraguo, nisonamo nonoko ?
- Radingga : Aiwa re babebengjok, Simsang chiko batbaengjok,
 Ganna riking tem·doe, jojong re·babebengjok,
- Sadingga : Kajie roa adara, na·ade nisoengama ?
 Ang·de nina nidika, nikso·on miknapa.
- Radingga : Nisojaode mainasa, rong·gatate jojonga,
- Sadingga : Nang·ni ge·etanasa, rong·gatake angara.
- Radingga : Agre kajia jiknabe, re tainajok jojongne,
 Intangode sirapnok, ta·rak an·ching katnane.
- Sadingga : Ian maia a·songjok, chiga bano sokbajok ?
- Radingga : A·song Rong·tottorejok, chiga chameragujok.
- Radingga : A·song Rong·tottoreena sokjok, chiga Chamera-
 guko man·jok,
 Dikdik ja·nengtakpana, jojong asongpa·kuna namjok.
- Sadingga : A·song Rong·tottoreeko, maina mancha mingaba,
 Chiga chameraguko, sawa de·sing de·gama ?
- Radingga : A·song Rong·tottoreeni kattako, da·oba knaku·jama
 Chiga cham·raguni bidingko, jojong rongtalku·jama ?
 Ian Misini songgitcham uan Saljong nokgitcham,
 Songdongana uanon, a·charana unoan.
 Misin songgitchamoa, Bonepa Janepasa dongea,
 Rangbildi Rangbildasa, uno songdongchengana.
 A·ko a·chachengana Bonepa, Bolko dilsupa·ana Janepa.
 Kimde Rangru chaako, uan wange·chengana.
 A·a a·denpa·enba, mibisa rambokako,
 Man kujana jojongne, Ranggiro cha·waljako.
- Sadingga : Maiko ge·na dapnasa, a·ko a·denparana.
 Maina mancha miksonge, a·ko gamepa·rana ?

- Radingga** : Iano songdongmittingon, uno a'chamittingon,
Ta'wakjakko ge'ana, Kalsnemko dapana unon.
- Sadingga** : Bitchri man'pakujama, mima nikpakujama,
Ta'wakjakko ge'ara, Kalsinnemko dapara ?
- Radingga** : Man'genode bitchriko, ge'pagenne jojonga,
Nikgenode mimako, dapagenne Sadingga ?
Ja'man Jane Me'asa, bamin cheksi nangako nikana,
Jakal pante re'ange majal sala gaako man'ana.
Iandakesa A'chikna, Rau bite nangana,
Bamin sojonjana, Tau bite patia.
Pil'e Misi patia, Attongnara Basing,
Sine ringpachinara, Dikilnara wa'sing.
Bonepa Janepaba, ianon songdongpa'rachim,
Rangbildi Rangbildasa, sikang a chaparachim
- Sadingga** : Songa katjitangjokma, gittim re'jitangjokma ?
Da'o maisa nikjajok. Bonepa Janepakoa.
- Radingga** : Sillang silchi sikana, ratang rare kannana,
Re'angman'jok jojonga, Aibang A'bilbangna.

